



Teléfono: EOE AENA - E-mail: EOE ANE4 - Calle: Cruz # 110 - e-mail: solodipueblo@hotmail.com

Diarazon Mei 4, 2011 - Edicion 5 Vol. 1561 - Sta. Cruz # 110 Tel: 5859500

Fax:5850951 - E-mail: solodipueblo@gmail.com

1.50

Awor ta ELMAR ta bisa cu Mike Eman ta gaña


Salario di ELMAR ta afecta prijs di coriente

Merca ta confirma cu Bin Laden ta morto



Riba 4 y 5 di Mei ta conmemora di dos guerra mundial

Fechanan cu nos no por lubida



NA SANTA CRUZ:

KIEBRO NA KENRO JEWELERS

STA. CRUZ -- Diadomingo madruga a drenta informe cu tin ladronnan den Kenro Jewelers na Santa Cruz. Mesora a dirigi un patruya pa e sitio. Na yegada di e patruya, nan a bin constata cu ladronnan a kibra drenta den un oficina di e joyeria destruyendo un glas cual mester ta bulletproof. Despues nan a drenta e joyeria mes y a destrui e toonbank y bay cu gran cantidad di joya. Nan tabata 4 ladron cual despues a sali bay na pia for di e joyeria y drenta mondi. Polis a sali busca den vecindario pero no a logra hayanan. E investigadornan tecnico a bini na e sitio y a logra haya varios fingerprint pa asina traha liher riba e caso pa por detene e ladronnan.



Mas Atraco

awor na Brazil:

Atraco na Gran Lottery



STA. CRUZ -- Diamars den oranan di anochi alarma a keda bati pa e prome atraco den luna di Mei. E atraco a tuma lugar na Brazil na Gran Suerte Lottery caminda un atracador a presenta na e loteria y bay cu e caha di placa. Den esaki autoridadnan a cuminsa bin den direccion di e lugar di atraco y a ricibi mas informacion con e sospechoso tabata bisti y un polis atendo a logra mira un di e sospechosonan drenta un cas. Mientras tanto a avisa fiscal cu su ordo pa drenta e cas y asina a logra detene e personanan y e caha di placa cu mas di 1000 florin. E doño di e cas mes a bira malo y a solicita ambulance na e lugar di loteria. A detene dos sospechoso cual un ta A., un cabayero conoci den mundo di modelahe.



Partido MEP:

DESEMPLEO HALTO NA ARUBA Y PRIJS DI GASOLIN, AWA Y CORIENTE TA SIGUI SUBI

Aumento di gasoline pronostica cu 12 cent mas

PRIJS DI COMBUSTIBEL




21 MAY, 2011



IGUANA PROMOTIONS

Ta Presenta



Jose Santos vs. Evan Nedd

8 PELEA AMATEUR
(BOU AUSPICIO DI ARUBOX)

7 PELEA PROFESIONAL INTERNACIONAL
(BOU AUSPICIO DI ARUBA BOXING COMMISSION)

Centro Deportivo Betico Croes, cuminsando for di 7or anochi
Entrada: **GENERAL** Afl. 35 - **RINGSIDE** Afl. 65 - **VIP** Afl. 100



Carchinan obtenibel na: Dragon CD na San Nicolas, Kirukeda Restaurant (X-Papa Johns Pizza) na Sta. Cruz,
Mario's Sportshop na Playa, Coffee Time na Noord - Pa **VIP jama 7380101**

Auto a cay den greppel di Hato



STA. CRUZ -- Diamars banda di 7:30 di mainta riba e caminda di Hato un biaha mas pabao di e post di brandweer un auto a bolter y cay den e rooi panord di caminda. Mesora despacha tanto polis y ambulance na e sitio caminda tabatin algun leve herido.

Na yegada di e patruya policial enberdad nan

a topa cu un Hyundai A-46570 boca abao den e greppel panord di caminda. E dama probablemente lo a perde control na stuur baha caminda y a bira cay den e rooi.

E chauffeur y su yiunan tabata den auto. Nan a keda levemente herida. Ambulance a busca nan pa hiba nan poli.

Un blackberry ping – Noti-Redo- cu hopi noticia di redashi

Tin entendi cu kier denuncia esaki!

STA. CRUZ -- Ya ta pa un siman caba cu ta existi un blackberry ping cu ta yama su mes Noti-Redo. E blackberry ping aki ta sacando noticianan redashi di basta persona conoci den comunicad. Asina nos a tuma nota di varios acontecimiento di bida priva di hende. E ta skirbi tur cos! Entre otro ken a laga ken, ken ta cu ken, ken a viaha cu ken, ken a haya baby etc.etc. E persona tras di e ping aki ta anonimo, pero e tin demasiado informacion. Recientemente el'a conta di un relacion amoroso entre un locutora di radio cu un esposo di un politico. Asina tin masha hopi cos skirbi di hendenan di farandula. Tin masha reaccion di

esnan cu nan nomber ta wordo skirbi den e broadcast messagenan. Tin te hasta kier bay polis. Sinembargo e ta un blackberry ping anonimo y ademas e ta chatsnan personal entre abo cu "noti-redo". Ki efecto un denuncia lo por tin, no ta conoci.



Awor ta ELMAR ta bisa cu Mike Eman ta gaña Salario di ELMAR ta afecta prijs di coriente

STA. CRUZ -- Puitonan ta sigui sali for di macuto! Atrobe Mike Eman ta wordo desenmascara; e biaha aki pa ELMAR mes hunto cu su compania di mercadeo di Patrick Paskel. Mike Eman algun siman pasa a declara cu salario cu el'a regala su activistanan den ELMAR di riba 15 mil florin pa cabez no ta afecta e prijs di coriente. Cu esey Mike Eman kier meen cu e por pone cuanto activista cu e kier den ELMAR sin cu ta afecta prijs di coriente. Awor gerencia di ELMAR a laga Patrick Paskel publica un comunicado di prensa pa bisa cu e ahustacion di salario di e 155 empleadonan SI ta afecta e prijs di coriente! Ta ken ta gaña atrobe?

Salario di empleadonan di ELMAR ta afecta e prijs di coriente SI of NO? Segun Mike Eman ta NO, segun ELMAR cu Patrick Paskel ta SI. Pakico hende grandi mester gaña asina? Pakico nos gobernantenan mester ta asina deshonesto? Un cos ta sigur, den reunion di Parlamento diahuebs e berdad lo sali na cla. Mike Eman por core,

pero no pa largo. Mike de Meza a desenmascara Mike Eman dos biaha caba, prome biaha cu eliminacion di BBO, despues cu eliminacion di brandstofclausule. Y awor ta ELMAR hunto cu Patrick Paskel ta desenmascara Mike Eman un biaha mas. Esaki ta e CAMBIO cu a wordo priminti?



Drumi Dushi y Comfortabel riba Colchonnan Suave di



*Ta introduci
su liña nobo di
matras y boxframe
Comfort Top, Pillow Top,
Euro Style Pillow Top
y Latex Core*



Sabana Blanco 34-A
sleepcom@hotmail.com

Tel: 582 2709 - 582 4405 Fax: 583 9637

MR. EVELYN WEVER-CROES DI MEP:
**Riba 4 y 5 di Mei ta
 conmemora di dos
 guerra mundial**

Fechanan cu nos no por lubida

STA. CRUZ -- Riba 4 di Mei nos ta recorda tur esnan, hendenan homber y hendenan muher, cu a perde nan bida den guerra desde di dos guerra mundial. Riba 5 di Mei nos ta recorda e fecha cu Hulanda a wordo libera di e poder di e Alemannan.

Nos ta corda pues 66 aña desde final di e guerra, caminda hopi hende inocente, homber, muher y muchanan, a perde nan bida a cambio di nos libertad. Ta importante pa nos aprecia e libertad aki, pasobra e libertad aki ta permiti nos di ta e persona cu nos ta y di por tin nos propio pensamiento, ideología y religion. Pero den e libertad aki nos mester

respetar e libertad di otro nan tambe. Si nos por logra haya un balance entre e libertadnan di cada ken, cu respet mutuo, nos por sigua nos futuro generacionnan e libertad cu nan tambe merece.

Laga e fechanan aki y e reflexion ta e comienzo di nos compromiso cu nos yiunan y nan yiunan cu hunto nos lo traha pa nunca mas un guerra manera esun di segundo guerra mundial, ni ningun otro, ripiti. Laga nos aprecia y conserva nos libertad, respetando esun di otro nan, y haci nos yiunan consciente di esaki. Paz y harmonia den mundo henter ta posible solamente si nos tur traha riba esaki.

DONNY, PRIORIDAD DI BOOSHI TA NOS COMUNIDAD
**BOOSHI TA PARA PA SU
 HECHONAN! AVP y ABO POR
 BISA MESCOS???**

STA. CRUZ – Segun drs. Booshi Wever, den e conferencia di prensa semanal di AVP, sr. Donny Rasmijn a trata entre otro e proyecto di dump na Parkietenbos, unda e a comenta tambe cu e lo ta esun cu a sali perdi den e proyecto ey. Esaki e a relaciona cu su escogencia na December ultimo pa mantene su posicion di Parlamentario, en vez di baha como tal y haci uso di e areglo di pensioen bieu. Segun drs. Wever, Donny tin razon si e kier meen cu financieramente el a bay bastante atras pa motibo di su escogencia, y cu awor lo e keda wordo bati cu pregunta- y insinuacionnan tocante e dump. Cu e ultimo ey Donny lo kier a sugeri cu sr. Wever lo por a scoge pa core pa su

responsabilidad den e proyecto di dump? Cu esaki sr. Booshi Wever a reacciona: "Over my dead body! By now Donny mester por sa mihor, esta cu semper mi ta para pa mi hechonan, contrario na esnan di AVP! Y Donny sa hopi bon kico y ken mi kier meen! Donny mester realiza tambe cu huez sigur na cuatro (4) ocasion a rechaza ponencia di AVP cu algo lo a bay robez cu e proyecto menciona. No obstante esey Benny tine pudor di kehama na Ministerio Publico? Ami na mi turno a keha Benny pa "valse aangifte", pasobra Benny ta pone un banda varios veredicto di varios DIFERENTE huez pa toch acusami di mal maneho. Cualquier cu e veredicto por ta, ningun momento ni Benny, ni Donny, ni ningun AVP, lo por acusami di malversacion of corrupcion! Abo por bisa mescos di AVP? Lagami djis cordabo entre otro e Fondo di Desaroyo San Nicolas, Racetrack, FCCA/ Interbank. Ban keda un rato na e presente: kico ta e prijs cu Benny, c.q. gobierno, (y pues ultimadamente e pueblo!) mester (bay) paga pa regla cu e recogemento y procesamento di sushi pasa den man di e partner financista di AVP?? Pa mi justifica e titulo di e remitido aki, lo siguiente: na December ultimo mi tabatin e opcion pa haci uso di e areglo bieu di pensioen. E escogencia ey lo a sali mi bastante mas ventahoso cu e otro opcion, esta di keda como Parlamentario, pero cayendo bao di e areglo nobo di pensioen.

Esey no ta kita afor cu mi lo bay "challenge" e ley aki, pa motibo cu mi ta kere cu mi tin derechonan adkeri cu mester wordo respetar! Cu esaki mi kier demostra un vez mas cu - sacrificando mi propio interes, mi salud y esun di mi famia - mi a opta pa pone e interes general na prome lugar y sigui sirbi comunidad di Aruba y di NO laga e 20 mil y pico votadornan di MEP na caya ni e 1441 personanan cu a deposita nan confianza den mi persona, mescos cu mi a haci den mi carera politico di mas di 28 aña, y especificamente como minister for di 2001 pa 2009. No ta e ehempel ey nos lider Betico a duna nos? Corda su palabranan y e filosofia tras di e palabranan aki: " Mi no ta tata di mi yiunan so, mi ta tata di henter e pueblo Arubano!" Pues un politico mester ta dispuesto pa haci hopi sacrificio pa su pueblo! Finalmente, un biaha mas mi kier enfatiza cu entre Nel cu mi NO tabatin un palabracion cu ami lo bira e proximo lider di MEP. Un palabracion asina lo ta bay CONTRA estatutonnan di MEP, cu ta bisa entre otro cu ta LIDERNAN DI BARIO den un CONGRESO ta esnan cu ta dicidi kende ta bira Lider di Partido, cu obviamente mester ta un persona liga na e partido y cu semper di su bida a vota pa MEP (pues un Mepista di alma y cuerpo) y alavez cu tin e experiencia necesario. E palabracion entre Nel cu mi tabata simplemente cu Nel lo a apoya mi candidatura, nada mas ni nada menos! As simple as that!!



*Pa tur bo arreglonan pa
 Santa Comunion pasa serca nos
 awe mes!*

Santa Cruz 32-B

T: 585-8128

F: 585-1228

E: elsflowershop@setarnet.aw

www.facebook.com/elsflowershop



Lider di Fraccion di MEP, drs. Booshi Wever:

DJIS UN IDEA PA ENFRENTA E COSTO DI ENERGIA: PAKICO E LO NO POR TRAHA ??

STA. CRUZ--Den ultimo lunanan constantemente ta papia di e prijs halto di nos awa y coriente a consecuencia di e costo halto di e materia cu ta wordo usa pa produci e dos necesidadnan aki. Na mes un momento e materia ey tambe tin nos matá cu e prijs halto di gasoline, diesel etc. Algun luna pasa Elmar a instala un solar panel riba dak di su edificio den Pastoor Hendrikstraat na San Nicolas, pa investiga si esaki lo bay traha pa baha nan propio gasto di electricidad.



Nos tur sa cu Elmar tin e monopolio pa entrega di electricidad na nos comunidad, locual ta stroba e ciudadano comun manera abo y ami, di tin nos mes un sistema pa yega na coriente pa propio uso, pa motibo di e inversion considerabel di cualkier di e dos opcionnan, esta solar panel of molina di biento. Mi ta comprende cu lo mi POR instala un di e dos opcionnan aki (of ambos) na mi cas, basta cu nan NO ta conecta riba e red di Elmar, pa e coriente cu ami ta produci NO "vervuil" e coriente di Elmar. Pero, si mi a opta pa un molina di biento, ora e molina ey cay afor pasobra no tin biento, lo mi hayami den problema pa e simpel motibo cu Elmar lo NO

entregami SU coriente! Den caso cu mi tin solar panel, esaki lo produci energia solamente den dia, cu ta wordo "stored" (opgeslagen) den un of mas bateria, pa uso den dia y anochi. Pero anochi lo mi por usa solamente e energia cu a resta for di e carga di den dia. Y cu e resto ey lo mi mester cende e luznan, e frigidaire, e freezer, e airco(nan). Mi por ta casi sigur cu e carga lo NO yega pa cubri e (mas o menos) 14 oranan scur di anochi. Kico ta keda como un opcion pa nos spaar riba nos gastonan di coriente? Si e ciudadano kende lo por pidi y haya un fianza na banco, of hasta na Elmar mes (y pakico no na Gobierno como ultimo doño di Elmar?), instala un di e opcionnan (of ambos), y

Elmar cumpra e coriente aki di e ciudadano, Elmar lo depende HOPI MENOS di e materia caro menciona ariba, esta fuel (brandstof). Nos ta bendiciona cu un biento y solo POR NADA! Pakico sigui depende pa 100% di fuel??

Mi ta comprende cu e inversion pa e opcionnan aki pa diferente cas, lo ta bastante halto, y por ta ni banco, ni Elmar, lo no gusta e idea mucho hopi. Pero aki ta na unda Gobierno cu tanto ta propaganda "clean-energy", lo por - lo mester - duna un man, pa cual Gobierno lo por haci uso di e fondonan disponible ainda cerca F.D.A. No ta asina cu tin un suma


substantial disponible ainda na F.D.A.??? Elmar lo mester muestra cu e ta un bon ciudadano, y coopera cu e proyecto aki. Elmar ta cumpra e coriente cu e ciudadano ta produci cu su solar panel(nan), y ta "store" esaki hunto cu e "stock" cu e tin caba of cu e ta (bay) produci. OF: e ciudadano ta usa e coriente cu e mes ta produci, mientras Elmar tin un "back-up system" pa yuda e ciudadano den caso biento y/of solo (claridad) a laga di desea y e ciudadano no tin bastante "stock" di coriente propio. Mi NO ta un ingeniero! Pero mi tin mi wowo- y mi horeanan hancho habri pa sugerencianan di

esunnan cu (ta supposed di) sa mas cu mi riba e tereno aki. Den mi opinion Gobierno como doño di Elmar MESTER por instrui gerencia pa produci e "kostenplaatje" di un proyecto den cual nos por bay haci e MAXIMO USO di nos fuentenan di energia GRATIS, solo y biento. Cu un minimo na bon voluntad, acompaña pa iniciativay perseverancia, mi ta kere cu den menos di 1 aña nos lo por weita un uso optimo di e dos fuente aki.

E ora ey tambe nos lo por haya un reduccion substancial di e asina yama "brandstofclausule" cu ta mas o menos 65% di e recibo di coriente!!!!

**** CATERING ****

- * CUMPLEANJOS
- * BRUID
- * RICIBIMENTO
- * ANIVERSARIO



PA MAS INFORMATION JAMA : 585-7272
KIRUKEDA RESTAURANT
PREIS ACOMODA TUR CARTERA

Mothers' Day Special

Nos tin diferente forma di pago:
 -Paga poco poco
 -Layaway
 -Cash

25% Off

Oro, Plata, Holoshinan Piedranan Precioso.



Probecha y Cumpra Regalo di bo mama na e Miho Prijs y cu 0.0 Downpayment!

Pa tur ocasion joya di calidad na un prijs razonabel!
 Wilhelminastraat 19 / Suite L / Layex Building / Tel: 588 7671

Merca a pone extra seguridad ariba tur su interesnan den exterior

STA. CRUZ -- Gruponan di terorista na Pakistan cu ta sostene Osama Bin Laden a manda menaza pa henter e gobierno di Pakistan. Nan a bisa cu Pakistan a yuda Merca na haya Osama. Gruponan cu ta sostene Osama a manda menaza cu nan lo reacciona ariba e matamento aki. Merca a pone extra seguridad ariba tur su interesnan den exterior. Mundo ta den expectativa di reaccion!

Merca ta confirma cu Bin Laden ta morto

STA. CRUZ -- Merca a confirma cu ta trata di Bin Laden. Nan a usa DNA di su ruman muher cu a fayece algun tempo pasa na Massachusetts na Merca. Despues di a haya confirmacion di DNA nan a prosegui pa su entierro, cual ta tira su curpa den lama.



MADURO HEAVY EQUIPMENT N.V.

**Santo pa Basha, Santo pa Pleister,
Crushed Sand, Piedra, Tera pa Mata,
Graniet. Tambe nos ta Rosa Tereno,
Coba Pos y Fundeshi.**

ROOI BOSAL 49

TEL.: 585-1708

FAX.: 585-6299



Remitido ILEGALNAN CU TA DRENTA CU CRUCERO FOR DI COLOMBIA TA ALARMANTE

Colombia ta un di e paisnan den Sur America cu den e ultimo lunanan a ser azota cruelmente door di Madre Naturaleza. Esaki a trece cune cu e desempleo a subi considerablemente. Esaki a trece como consecuencia cu Colombianonan ta saliendo pa busca un mihor bida pa diferente pais y un di nan ta Aruba. Awor cu nan por drenta den un forma legal, sin mester di visa o otro papelnan ta via nos puerto maritimo cu e crucero cu ta sali o ta pasa via dos puerto maritimo na Colombia. Den entrevista cu un comerciante el'a bisa lo siguiente: "Mi mes tin un negoshi no hopi grandi y diariamente ilegalnan ta pasa pa solicita pa trabao y ora mi puntra nan, con nan a drenta Aruba, nan no ta vacila pa bisa cu ta cu CRUCERO. Mi a conversa cu algun comerciante y nan tambe ta pasa den mes un situacion." Na Aruba e situacion ta hopi, pero hopi malo, no tin empleo mas y awor cu ta presenta un forma facil con e hendenan aki por drenta Aruba, anto nan

ta drenta na granel. E hendenan aki no ta haya empleo, kico nan ta haci? Nan ta busca di cualkier forma con pa yega na placa, sea cual sea ta e forma. E hendenan aki ta comenta cu no ta importa e trabao cu nan tin pa haci, contal nan haya algo pa cumpra cuminda ya cu nan tin basta dia sin come un cuminda drechi. Nan bida ta miserabel.

GOBIERNO NO MESTER SIGUI WAAK CUANTO TURISTA TA DRENTA ARUBA, PERO E CONSECUENCIA FATAL CU CIERTO NACIONALIDAD TA TRECE CUNE

Mester mantene e mesun reglanan mescos cu esnan cu ta yega via aereo. Exigi cu nan tin sikiera un visa of un visa Americano. Esnan cu no tin esaki, mester keda abordo y nan no por baha na Aruba. Den diferente pais na unda cruceronan ta bay tin reglanan igual y esnan cu tin di costumber di bay cu crucero, sa di esaki. Danki Dios nos tin un paspoort Hulandes. Gobierno mester reuni cu consulnan y pidi nan cooperacion pa asina,

nan di nan parti yuda den soluciona e problema grave aki. Mester por informa nan respectivo paisnan cu Aruba ta satura y cu no tin empleo mas. E Consulnan mester informa nan hendenan aki na Aruba pa coopera y no sigui manda busca nan hendenan, debi cu no tin empleo na Aruba. Si Gobierno tuma e iniciativa y papia cu e Consulnan, pesey nan tey, anto mi ta kere cu por yega na cierto solucionnan cu ta yuda den combati criminalidad, problemanan social etc. E propio Colombianonan y otro Nacionalidadnan cu ta biba y traha na Aruba mester por coopera y no sigui busca nan hendenan for di nan pais, pa asina nan bin pasa trabao aki na Aruba. Aruba no por carga mas hende. Esnan cu tin un empleo na Aruba mester ta agradecido y no sigui busca of anima otronan pa bin Aruba; al contrario ta nan deber pa yuda y contribui cu Aruba su economia sigui crece y cu e problemanan social bira menos.

Number y direccion conoci na redaccion

Mas ladronicia di auto

STA. CRUZ -- Diamars mainta a drenta informe di un auto Toyota Tercel blanco cu tabata para mey mey di caminda den e hanchinan di Rooi Afo. Mesora a dirigi un patruya pa e sitio. Na yegada di e patruya, nan a bin encontra cu e Toyota Tercel blanco A26027 cual tabata para riba e caminda pero den direccion contrario. Polis a controla e number y a bay na cas di e doño. Ningun hende a contesta na e porta. Segun nos por a ripara e hood tabata medio habri indicando cu probablemente ladronnan lo a saca pieza for di e motor.



Partido MEP:

DESEMPLEO HALTO NA ARUBA Y PRIJS DI GASOLIN, AWA Y CORIENTE TA SIGUI SUBI

STA. CRUZ -- Segun ultimo estadisticanan di Banco Central e desempleo na Aruba ta casi 10%. Esaki ta mas halto cu den ultimo 15 aña. Tin masha hopi Arubiano humilde sin trabao y tin hopi di esnan cu a bin Aruba di otro paisnan, pa busca un mihor porvenir, cu tambe ta sin trabao. Especialmente e

mercado di construcion a conoce su peor momento. Tin solamente algun proyecto grandi y Gobierno no ta haciendo nada pa atrae inversionista grandi y ta invirtiendo mucho poco. Pa colmo gobierno di AVP a aumenta e debe externo di pais Aruba drasticamente, cu un deficit real di 275 miyon

florin!! Y tur esaki sin cu e presupuesto 2011 ta aproba ainda. Esaki ta tipifica un situacion caotico den gobiernacion. Un gobierno cu no por tin su finanzas publico na ordo, pero ta yega regala comerciante un rebaho di BBO y regala un multi nacional miyones na belasting, no merece di keda gobernal! Den un



situacion asina e mal gobierno di AVP mester bay fia urgentemente hopi miyones pa tapa e buraco ocasiona pa un mal maneho hiba. E fianza aki ta debi na nan gastonan astronomico, demasiado viahamento y fiestamento y demasiado coordinador den servicio. Mientras desempleo ta afectando tanto famia humilde, di otro banda

gobierno di AVP ta aumenta e prijs di awa, coriente y gasolin cu mas di 25%. Hopi famia ta pasando duro y placa no ta yega. Awe tin mas pobreza cu antes. Ta esnan cu ta famia y liga directamente cu AVP so ta pasando bon, ta hari y drumi cu barica yen. Esaki ta e CAMBIO tan priminti?

Aumento di gasoline pronostica cu 12 cent pa 11 di Mei 2011

PRIJS DI COMBUSTIBEL



STA. CRUZ -- Informacion di nos fuentenan a bisa cu aumento di gasolin ta pronostica cu 12 cent pa dia 11 di Mei proximo. Ta pronostica cu Diesel lo subi cu 6 cent. Esaki lo ta devastador pa comunidad pasobra esaki ta un peso drastica ariba lomba di pueblo.

Entre Nos

PRONTO
na

Canal
22

Aruba su Television Nobo

Faltando solamente algun dia pa RBTT Plinko Night!

RBTT Bank ta preparando pa e gran evento diabierna awor dia 6 di Mei!



STA. CRUZ -- RBTT Bank ta den pleno preparacion pa e gran evento di Plinko cu ta ofrece tur cliente cu kier un prestamo personal un oferta super special cual ta encera un interes garantiza di

15% di interes efectivo (8.5% add-on). Anto cu e wega di Plinko lo tin chens pa rebaha esaki te cu 13% di interes efectivo (7.25% add-on)! E gran premio durante e evento aki, ta cu 4 persona lo haya chens pa gana nan prestamo na 0%. Pues un prestamo sin tin cu paga ningun interes! RBTT Plinko Night lo tuma lugar diabierna awor, dia 6 di Mei na RBTT Italiestraat cuminsando for di 5'or di atardi te 10'or di anochi. RBTT Bank su staf dinamico lo tey pa on-the-spot approval. Durante di "RBTT Plinko Night" lo bay tin entretenimento musical di Zeta Band cu sigur lo pone un tremendo ambiente y tambe ta bay tin bar y cuminda bon surti. Pues bin bo tambe na RBTT su Plinko Night pa bo prestamo personal cu un interes super abao y premionan inigualabel.

Riba Dia di Aña di La Reina:

Koningin Wilhelmina Fonds ta ricibi un check na balor di Awg. 5,000 for di Banco di Caribe

STA. CRUZ -- Koningin Wilhelmina Fonds a wordo funda na aña 1961. E aña aki nan ta celebrando nan 50 aniversario. Nan meta

principal ta pa preveni y combati Cancer na Aruba. En conexion cu celebracion di e 50 aniversario di Koningin Wilhelmina Fonds

Banco di Caribe ta hopi orguyoso pa haci un donacion na balor di Awg. 5,000 na un organizacion asina importante pa nos comunidad di Aruba.



Riba e portret por mira unda sra. Ariz Mauricio (Branch Manager), sr. Herbert Ignacio (Managing Director) ta haci entrega di e check di 5,000 florin na sra. Lilian Prince (Presidente di KWF), conhuntamente cu sra. Jeanne Martis-de Koning (Management Secretary/Human Resources) y srta. Sue-Lan Liao Jen, (Junior Marketing Executive/ Junior Corporate Manager).

FREESTYLE MX SHOW

ARUBA 2011



PRE-SALE AWG. 35.00
AT THE DOOR AWG. 45.00

MAY 6, 7 & 8

FRIDAY, MAY 6, 2011 STARTING 8:00PM
SATURDAY, MAY 7, 2011 STARTING 8:00PM
SUNDAY, MAY 8, 2011 STARTING 7:00PM

JOE LAVEIST

SPORT PARK













F Show Aruba

FERNANDO A TOPA CU ABRAHAM



Diadomingo 1 di Mei e conocido presentador di Duimstok Fernando Luidens a cumpli 50 aña. El'a celebra den grandi na su residencia cu su esposa Jacqueline, su 2 yiu homber Isfael y Kiefer y demas famia y friends durante un tremendo fiesta bailabel. Naturalmente pabien a bini tambe di su yiu muher Kimberly cu ta studiando na Hulanda. A pasa un video di "recordar es vivir y llorar". Tambe e ta haya hopi pabien die crew di Duimstok y FAME TV , esta Michael, Alex, Jean Carlos, Sandra, Jacky, Richard y Yvette.




Fernando y esposa den presencia di "Duimstokkers" Kishor Karnani y esposa, Anthony Wever y esposa, Michael Dijkhoff y esposa.



Vuurwerk tabata un sorpresa di Kishor Karnani di Caribbean Fire Works





George Foreman Grills



Hairsetters



Arepa Makers

Nos ta habri di
9am - 8pm
Henter Siman!
NONSTOP!



Nos tin e regalo
pa Mama!

Special pa mami!

Nos a ricibi:

- Pressure Cookers
- Grills & Griddles
- Rice Cookers
- Arepa makers
- Sewing Machines
- Hairsetters
- Trimmers
- Chippers
- Straighteners
- Curling Irons

Gana 1,
Gana 2!

Gana 1

Cumpra e regalo
pa Mami y e por
gana fabuloso
premionan!

Gana 2

Skirbi bo e-mail
riba e bon y abo
por gana fabuloso
premionan tambe!



Sewing
Machines



Pressure
Cookers



Rice Cookers

0-DOWN
henter siman!

amc unicon

BENNY NISBET DI PPA:

“MINISTRO DE MEZA CU MENTIRA REPETIDA VEZ, PA TAPA SU MANEHO CAOTICO!”

STA. CRUZ -- Siman pasa AVP su flamante ministro di finanzas, sr. Mike de Meza a duna un declaracion bao di e titulo " A LOGRA REDUCI DEFICIT CU 75 MIYON FLORIN". Den e declaracion aki el'a haci un intento pover pa defende su maneho financiero cu tin nos pais Aruba den un crisis hopi serio. Partido PPA a haci un analisis di e declaracion aki den su totalidad. Den e articulo principal PPA a referi nos punto cu PPA lo trata den un articulo separa. Un di nan ta punto no. 9 den cual Ministro di Finanzas de Meza ta declara: " Cu

e concepto cu Gabinete Oduber a larga atras lo tabata tin un deficit di 480 miyon florin fuera cu lo mester a paga na AZV un suma di 50 miyon cu lo aumenta e deficit na 530 miyon florin (2009)". PPA a haya e declaracion di Ministro de Meza hopi interesante, especialmente como cu PPA tin den nos poder un declaracion di e propio ministro de Meza fecha 26 di Mei 2010 net despues di e tratamiento di presupuesto 2010 unda Ministro de Meza a declara cu "GOBIERNO ANTERIOR A LAGA UN DEFICIT ASTRONOMICO, RIBA

700 MIYON FLORIN". Cu otro palabra 1 aña pasa mas o menos ministro de Meza a splica pueblo cu e deficit cu gabinete di MEP a larga atras lo ta un 200 miyon mas ainda esta mas di 700 miyon florin Arubano! Naturalmente e bon lesador di e articulo aki lo puntra su mes, si Ministro di Finanzas de Meza a papia e berdad den su declaracion di 26 di Mei 2010 of el'a papia e berdad den su declaracion di siman pasa (fin di April 2011) ?????? Cual di e cifranan cu Ministro de Meza ta menciona ta e puro berdad y nada mas



cu e berdad? PPA ta kere cu un mandatario cu ta ocupa e posicion di ministr di Finanzas mester ta sincere y corecto den su declaracionnan na pueblo! Contesta: Ministro Mike de Meza a malinforma pueblo di Aruba den ambos declaracion. Cu otro palabra ningun declaracion ta basa riba e berdad. Ambos ta mentira flagrante! PPA kier referi na e relato anual di Banco Central di ana 2009 den cual e cifranan corecto ta publica. PPA ta cita textualmente pa pueblo e berdad bao di e capitulo di government finance nos ta cita: "The government registered an afl. 163.2 million financial deficit on a cash basis in 2009, compared to an afl. 51.4 million surplus in 2008. The deficit expanded by afl 119.7 million to afl. 159.6 million in 2009. Total finance needs of the government amounted to afl. 271.4 million in 2009". Pakico PPA ta di opinion cu pueblo mester wordo duna e berdad? Pa pueblo por realiza con Gabinete Eman(AVP) su maneho a crea un crisis financiero hamas visto den apenas 1 aña y 6 luna di gobernacion. E deficit actual(2011) ta casi 115.4 miyon florin mas cu e deficit na 2009, si sali for di e hecho cu

e actual deficit ta 275 miyon florin ta corecto! Si esey NO ta e caso pero cu e deficit real actual ta un 400 miyon florin anto ta significa cu e deficit aki lo a aumenta cu minimalmente 284.4 miyon florin mas cu na 2009. E necesidad financiero cu bao di AVP a bira un 436,9 miyon florin ta 436,9 menos e 271.4 miyon na 2009 cual tambe a subi cu un 160 miyon florin apesar di TUR medida cu AVP a caba di tuma. PPA no ta exlui cu e necesidad financiero pa e actual presupuesto tambe lo mester wordo aumenta cu consecuencia cu e suma cu lo mester worde presta lo bay wordo aumenta substancialmente ainda! Nota di PPA: *** Si tene cuenta cu e argumentonan di Raad van Advies cu e presupuesto su cifranan no ta realistico pasobra lo tin hopi asina yama "voorlopige cijfers", lo tin "wetsvoorstellen" cu lo tin influencia riba hopi cifra cu lo mester wordo adapta cu tempo, cu gobierno su cifranan ta haci uso di e "groeipercentage" di 10% mientras cu Banco Central a baha esaki caba na 8,9% anto mester conclui cu e deficit menciona pa gobierno/ministro de Meza no ta realistico y lo mester wordo adapta severamente den futuro cercano! Cu otro palabra Ministro Mike de Meza ta defendiendo e situacionan financiero caotico cu su maneho a crea cu mentira flagrante. Huzga pa boso mes! Aki PPA ta conclui su declaracion den cuadra di nos oposicion di pafor di parlamento pa cu AVP su flamante ministro di Finanzas sr. Mike de Meza!

JR AUTOCENTER N.V.

WORLD'S BEST MOM

Seat Skin

Steering Wheel

Car Bag

Car Seat

JR tin tur cos pa Mami core auto den style!

Like us on Facebook [facebook.com/jrautocenteraruba](https://www.facebook.com/jrautocenteraruba)

Macuarima 585 4944 | Cura Cabai 584 8295 | Turibana 586 2226



PARTICIPACION

SETAR ta informa tur cliente cu e ultimo fecha pa paga cobranza di SETAR ta: Dialuna dia 9 di Mei 2011

Por haci pago na cualkier SETAR Teleshop pero tambe na Hulpbestuurskantoor, na of via Banco (online, via standing order, direct debit of na bali).

Orario di Teleshopnan ta:
Teleshop Seroe Blanco di dialuna pa diabierna di
7:45 am–4:00 pm.
Teleshopnan di Santa Cruz, San Nicolas, Palm Beach y
Irausquinplein
dialuna pa diasabra di 9:00 am – 5:30 pm.

Nos kier recorda nos clientenan cu ta paga cobranza online pa nota e number di cuenta pa por procesa e pago debidamente. Pa cobranza di SETAR Cable Services e number di cuenta ta consisti di 6 cifra y pa tur otro cobranza di SETAR e number cobranza ta consisti di 17 cifra cu ta aparece ariba e cobranza.

Pa informacion tocante di cobranza di Cable por yama SETAR Call Center na 5251700 y pa cobranza di tur otro servicio di SETAR por yama 114 of pasa libremente na cualkier di nos Teleshopnan.

www.setar.aw

Follow us on



Ingezonden stuk: Universiteit van Aruba (UNA)/FRIENDS AND FAMILY - RYAN PETERSON BENOEMD ALS NIEUWE RECTOR VAN DE UNA

Als bezorgd burger wil ik wederom een belangrijke zaak vermelden waar de regering Mike Eman andermaal vrienden bevoordeeld en anderen aan de kant schuift. De media hebben de afgelopen weken veel aandacht geschonken aan de Universiteit van Aruba. Het college van curatoren moest het veld ruimen en plaats maken voor anderen die gehoorzaam zijn aan Eman en die nu op het punt staan om Ryan Peterson te benoemen als de nieuwe rector van de U.A. Want daar ging het geschil tussen de regering en het college van curatoren over!! En niet over het financieel beleid en nog minder over hun verantwoordelijkheden. Dat is allemaal window-dressing! Al geruime tijd is de positie van rector vacant en Ryan Peterson, de grote vriend van Mike Eman en de zynen, moest benoemd worden als de nieuwe rector. Het college van curatoren liet zich niet voor dat karretje spannen en terecht; zij wilden het internationale aanzien en de accreditering van de universiteit niet schaden door een politieke benoeming. De banden tussen de families Eman en Peterson zijn van ouds. Destijds publiceerden de Arubaanse kranten

al uitvoerig hoe Ronald Peterson als hoofd van DOOV tegelijkertijd veiligheidsadviseur was van Minister-President Henny Eman tegen een beloning van FI 40.000.- per maand en nu is het Ryan die coute que coute als rector benoemd moet worden. Zo schreef AVP parlamentslid Marlon Sneek in de Amigoe van 2 maart j.l. dat hij daar een rector wil neerzetten die zijn ideeën door kan voeren. Het oude college van curatoren had natuurlijk goede redenen om Peterson niet te benoemen maar ja, een politieke vriend van de Emans gaat natuurlijk voor en dit is werkelijk een schandaal van de eerste orde. De accreditering en geloofwaardigheid van de universiteit komt nu in het geding. En moraalridder Mike die altijd zo mooi weet te praten over eerlijkheid en regeren voor ons allen (!) heeft ons alweer een hak gedraaid. Ultgerekend is het Mike Eman die tijdens de verkiezingen altijd sprak over friends and family van de MEP terwijl het alom bekend is dat het fenomeen friends and family altijd door de AVP toegepast werd, Mike is daar het levende bewijs van. Een steeds bezorgdere burger.

MESTER DI PLACA? EMPEÑA Y CUMPRO ORO


PRIJS MAS HALTO NA ARUBA GASTONAN MAS ABOU

TIN UN SO CU TA PAGABO MIHOR, PASA Y COMPROBA PA BO MES!



JUWELENHUISJE

ORARIO 10AM - 6PM DIALUNA TE DIABIerna



Ladronicia ta sigui



STA. CRUZ -- Diamars mainta a drenta informe di cu ladronnan a kibra backshield di un van di e compania Rotech cu tabata staciona dialuna anochi dilanti Pacifico Dakota. A horta varios tools cu tabata den e minivan patras. Mesora a dirigi e patruya na e oficina di e compania situa na Tanki Leendert.

Na yegada di e patruya, nan a comprende cu esaki lo a sosode e anochi anterior ora cu e minivan aki tabata staciona dilanti Pacifico Dakota.

Ayera den oranan di mainta e chauffeur a nota cu ladronnan a kibra y horta varios tools. Hasta e antisocialnan a laga un di su slofnan atras

Negoshi dilanti di porta di kapel na Altovista ta mahos bista



STA. CRUZ -- Ta sorprendente cu dilanti di kapel di Aruba na Atovista tin operacion di negoshi. Loke por a mira ta un pickup carga cu cadenan y souvenir, y tambe cosnan di bebe cu ta wordo bendi den un pickup dilanti di porta di Altovista.

Pregunta ta keda si esaki ta posibel cu minister of

Camara di Comercio of otro departamentonan concerni sa di e situacion aki y si e situacion aki ta posibel. E compania cu ta yama su mes Aruba Bless You Handmade Souvenirs indudablemente ta un negoshi unico aki na Aruba. Un negoshi cu tin su productonan den un baki di pickup, su softdrinknan cu ta wordo

bende den jugnan poni riba caminda publico, borchu poni riba caminda publico.

Esaki ta un ehempel di un negoshi cu ta hopi conoci na Caracas, Colombia, Sto. Domingo. Tipo di negoshinan asina no ta conoci aki na Aruba, pero toch e ta wordo haci scondi ya cu na kapel di Altovista no tin control.

Mama no kier yiu rebelde mas den cas

STA. CRUZ -- Polis di San Nicolas a bay dialuna pa 11:30 di mainta, na un cas na Pos Chikito, unda un mama tin problema cu su yiu homber. Na e cas polis a papia cu e mama G.T., kende a bisa polis cu su yiu homber A.A.C. naci na Aruba di 19 aña, tabata trata onbeschoft y no ta tende. E mama a bisa cu e yiu hasta a kibra algun cos den cas y e no kier e yiu mas den cas. Ora cu polis a yega, e yiu no tabata na e cas. Un rato despues polis mester a bolbe bay bek na e cas, unda e yiu a yega. Polis a papia serio cune y el a bisa polis cu e ta bay sinta canto di lama pa e pensa.

School Felepito B. Tromp, victima di vandalismo y ladronicia

STA. CRUZ -- Polisnan di Noord a bay dialuna pa 9:15 di mainta, na e school F.B. Tromp, unda e director di e school a pidi asistencia. Ora cu polis a yega, nan a mira cu antisocialnan a laga un ravage atras. Nan a kibra seis porta y tambe a kibra porta di e oficina di computer y di e director.

Nan a yena tur caminda cu awa y a destrui e obhetonan electronico, door di yena nan cu awa. Nan a bay cu un laptop y tambe cu yiu y beleg. E caso ta bao di investigacion...

Celebra e

Prome Santa Comunion
Di bo Yiu na



Nos tin paketenan atractivo di \$25 p.p of \$38 p.p. Prijs special pa open bar y grupo. Play room pa muchanan, salanan priva pa haci bo celebracion unico.

Disfruta di un fiesta special, sin stress y di calidad

Pa mas informacion, yama na 582-3677. Wilhelminastraat 80. Oranjestad
www.elgaucho-aruba.com



Clientenan di Digicel por manda SMS pa participa pa gana 500 florin cash! **DIGICEL A LANZA "RA-RA-RA MI" NA MAGIC FM DEN PROGRAMA DI RUBEN GARCIA**

STA. CRUZ -- Ta trata aki di un wega cu sin duda lo revolucionaria e mundo di radio na Aruba y na mes momento lo haci Digicel mucho mas popular. E red mas grandi y mihor a uni forza cu e locutor di radio mas popular riba nos isla, esta Ruben "Scorpio" Garcia pa asina hunto presenta e wega "Ra-Ra-Ra Mi" via Magic FM. Ta trata aki di un wega di rij un number den cual e participante cliente di Digicel por gana 500 florin cash. E wega aki yama "Ra-ra-ra mi" y pa participa ta masha facil.



E cliente mester manda un

SMS pa number "27225" via di nan Digicel y mester manda e palabra ENTER. Cada SMS ta costa 1 florin y mas SMS e cliente manda, mas chens e tin di gana un yamada. Tur dia, entre dialuna pa diadomingo, Magic FM lo haci 3 pa 4 yamada pa un di e clientenan cu a inscribi. Na momento cu Magic FM yama bo, e cliente di Digicel ta haya oportunidad pa den forma bibo e rij un number di 4 cifra. Si e rij e combinacion corecto, e ta gana 500 florin cash! E wega aki lo cuminsa desde dialuna dia 4 di April y lo sigui te cu dia 29 di April. Digicel Aruba a yega na un acuerdo exclusivo cu Magic FM y Ruben Garcia pa e wega special aki, den cual oyentenan di e emisora hunto cu clientenan di e red mas grandi y mihor lo tin chens di gana placa efectivo. Mester menciona cu prome e wega cuminsa lo scoge e 4 numbernan y un persona di Magic FM lo tin e tarea pa warda e number aki bon den un safe. Ta bon pa enfatiza cu na momento cu e wega cuminsa, e suma den pot lo ta 500 florin pero tur siman, si nan no gana e premio, e lo aumenta cu 25 florin. E intencion ta clientenan di Digicel keda

pendiente henter dia riba nan celular y scuchando Magic FM pa scucha ki ora lo haya e yamada pa "Ra-ra-ra mi". Si bo manda 10 SMS pa e number, bo tin 10 chens tambe di ricibi un yamada di Magic pa den forma bibo y directo bo duna bo combinacion pa tur hende tende. Tene cuenta cu bo mester duna e numbernan den e secuencia corecto pa por gana e premio. Pa haci e wega mas facil, Magic FM lo bisa ora un oyente rij un number corecto pero lo no bisa den ki secuencia e ta. Pues di e forma aki por lo menos e oyentenan por tin un mihor idea di e numbernan corecto pero solamente e ora lo no sa e secuencia cu nan ta tras di otro pa forma un number di 4 cifra. Pa Digicel, e tipo di eventonan asina ta hopi importante. No solamente pasobra e ta entretene su clientenan pero tambe pasobra weganan asina ta uni famia y amigonan pa hunto participa den un wega sano y cu na final lo haci un ganador contento. Riba e foto adunto por aprecia momento cu Elaine Singh di Digicel a bishita Ruben "Scorpio" Garcia den studionan di Magic FM pa elabora riba e campaña nobo aki, esta e "Ra-Ra-Ra Mi".

Mi ta un ciudadano Arubano estudiando

Como estudiante Arubano mi ta hopi ambisioso y ta pesey mes mi a dicide di sigui studia na Hulanda, pa asina tin un mihor futuro. Mi sa cu na Aruba nan ta ofrece instancia manera Directie Onderwijs cu ta duna nos como estudiante tur tipo di informacion tocante studielening. Tambe ta ofrece "mentoren" pa e ciudad specifico cu bo kier bay studia na Hulanda. Awor mi ta na altura cu e mentoren aki sa bin Aruba pa bin duna lezing avonden na e estudiante nan cu ta bayendo afor. Pero mi tin di remarca, cu ta jammer cu e mentoren aki no ta haci nan trabao manera debe ser. Un ehempel, como estudiante bo ta haya email adres masha liher di e mentoren pa por tuma contacto cu nan, pero ora ta manda nan email bo no ta ricibi ningun contesta bek y si bo haya un contesta mes ta despues di mas cu 4 luna! Awor mi ta puntra mi mes y otro estudiante, ta esaki ta e manera cu nos tin cu comunica cu e persona cu supuestamente tin cu guia nos na Hulanda? Otro ehempel, mentoren ta bisa bo cu si "waak pa tur estudiante schrijf in na tal y tal website pa asina bo por bin in aanmerking pa un kamber of un cas". Locual cu nan no ta bisabo cu 1: bo mester di un Nederlandse bankrekeningnummer pa paga e inschrijf geld. 2: Bo mester tin un adres /postcode Hulandes. 3: Bo mester tin un bsn

nummer! Kico ta pasa cu e studiantenan cu no tin famia na Hulanda, con nan ta bay haya tipo di informacionnan aki? Awor ta pakico e mentoren aki tey? Pa informanos tocante tur cos cu studiantenan tin mester of por nada?

Mi opinion ta cu tin mucho tiki mentoren pa tur e studiantenan pa cada ciudad na Hulanda. Gobierno mester cuminsa pensa ariba esaki, pasobra ta tur aña masha hopi estudiante ta dicide di bay studia na Hulanda. Un mentor ta hopi importante y ta pesey mes e persona encarga mester tuma su funcion na serio envez di tuma e studiantenan haci. Otro cos cu nos como estudiante no ta wordo informa di dje, ta e feit cu si nos studia aki na Aruba y gradua, cu e chens ta masha chikito of nada mes cu bo ta drenta den un Master's opleiding. Como HBO'er bo ta perde 1 aña, pasobra bo ta wordo toegelaten solamente den un pre-master's programma cu ta dura 1 aña pa despues bo wordo acepta den un Master's programa. Cu otro palabra nos mester wordo informa cu ora bo studia na Aruba 1: tin chens cu no ta tur caminda e diploma ta wordo mira como valido y 2: bo ta perde 1 aña pasobra bo tin cu bolbe haci un 4e jaars HBO pa bo por realiza e soño di haya bo master's diploma. Como estudiante ami ta haya cu e tipo di cosnan aki mester caba, pasobra mi ta kere cu no ta ami so ta realiza cierto cosnan asina. Mi ta kere tur estudiante tin e derecho riba un guia y un bon mentor cu si ta comunica cu bo ora mester y cu si ta duna bo tur informacion, bon y malo pa bo por prepara bo mes pa ora di bay Hulanda.

STATEN VAN ARUBA

OPENBARE VERGADERING OP WOENSDAG 4 MEI 2011 OM 10.00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

ENIG AGENDAPUNT:

De afgifte van vergunning aan telecommunicatie-bedrijven door het kabinet Oduber IV na 2009 (Aangevraagd door fractie AVP) (IS/110/10-11, d.d. 9 november 2010).


De Griffier, Mr. J.A. Bastein-Sherman



Cuida nos naturalesa! Spaar energia **FILTER AIRCO**

Limpia e filter di bo airco regularmente. Drumu asina den un temperatura agradabel y alaves aporta na un medioambiente limpi.

Abo tin un pa Aruba?
www.curasonberde.aw



Un pida historia lubida

Boy Ecury: un ciudadano di Reino ehemplar

STA. CRUZ/Den Haag – E conmemoracion di 4 di Mei y celebracion di "Bevrijdingsdag 5 di Mei" ta motibo pa Minister Plenipotenciario di Aruba sr. Edwin Abath pidi atencion pa loke e ta yama "un pida historia lubida". 'Mi ta referi na Boy Ecury. Un estudiante hoben di Aruba cu tabata activo den e movimiento di resistencia Hulandes, kende pa su curashi a paga e maximo prijs, esta su bida. Boy Ecury a wordo fusila door di e Alemanan despues di a wordo traiciona.'

'Ningun hende lo a tum'e na malo, si na momento cu Guera a start, e lo a regresa su isla natal Aruba pa ta hunto cu su famia. Un hoben den pleno flor di su bida, kende a bin Hulanda pa studia y forma su mes como profesional pa un carera grandi cu tabata ward'e na su regreso na Aruba. Pero Boy no a duda ningun momento pa drenta e Resistencia Hulandes y tabata dispuesto pa sacrifica su bida pa Hulanda, cu no tabata su patria, sino manera nos ta yam'e: 'madre patria,' segun Abath. 'Boy Ecury tabata Arubiano y tabata orguyoso di su descendencia. Sinembargo e tabata sinti su mes alavez un ciudadano di Reino y a scoge cu conviccion pa yuda y salba su



compatriotanan di e yugo y opresion Aleman. Esaki ta bisa hopi di con e hendenan na Aruba y e otro islanan Hulandes den Caribe tabata sinti nan mes uni cu Hulanda manera cu awendia ainda ta e caso. No ta pa nada nos ta comparti un Reino y un Reina cu otro. E sentimento aki a resalta den mas di un forma: e refinerianan na Aruba conhuntamente cu esun na Curaçao, tabata e principal suministrador di comustible pa e avionnan di e forzanan aliado.'

'Esaki ta bisa nos algo di e sintimento pa Reino cu ta reina aki na Hulanda, na momento cu den e siman cu ta recorda e periodo di 1940 -1945, e hazañanan di Boy Ecury y e sosten door di e partinan Caribense di Reino no ta haya debido atencion. Esaki ta e razon cu nos a dicide pa na diferente manera pidi atencion pa e pagina di historia lubida aki.' Ariba 4 di Mei un cantidad

di casi binti estudiante Arubano lo pone, den nomber di Gobierno y pueblo di Aruba, un krans na e monumento na Waalsdorpervlakte na Scheveningen, cerca di e lugar unda Boy Ecury a wordo fusila ariba 6 di November 1944. Ariba diabierna 6 di Mei lo tuma lugar den "De Balie" na Amsterdam – en cooperacion cu Vereniging Antilliaans Netwerk y Genootschap Nederland Aruba – presentacion di e pelicula "Boy Ecury". Prome cu e presentacion lo tin un introduccion di Minister Plenipotenciario sr. Edwin Abath y e escritora Giselle Ecury, sobrina di Boy Ecury. E evento lo cuminsa 7'or y mey y porta ta habri for di 7'or di anochi. 'Cu e actividadnan aki nos kier pone un vinculo entre e estudiante Boy Ecury y e generacion di hobennan di awendia. Nan ta crece den un sociedad cu ta birando mas duro, unda tolerancia y solidaridad mas y mas ta bao presion. Nos cu ta forma parti di Reino lo mester purba na para e desaroyo saki, door di splica hobennan na Hulanda kende tabata Boy Ecury. Pa logra esaki nos kier bin cu un pakete di les pa e schoolnan.' 'Lo ta hopi bon si e



generacion hoben – tanto na Aruba como na Hulanda – cera mihor conoci cu Boy Ecury y cuminsa pensa ariba loke Reino Hulandes ta significa pa nos tur. Pa logra esaki ta bon pa nos enfoca mas ariba loke

nos ta comparti cu otro y no loke ta dividi nos. Pa Boy Ecury e sentimento aki tabata algo natural. E tabata un ciudadano di Reino ehemplar. Y te ainda e tal', segun Minister Plenipotenciario Edwin Abath.




IBC™

- *Courier Services
- *Local Messenger Services
- *Mail Services
- *Air Cargo Services
- *Your own Miami Address
- *Customs Brokerage

- IBC Express, worldwide ontime, everytime.
- Nos ta busca na porta di bo oficina y entrega na porta di bo cas
- Rond Aruba
- Servicio rapido, amabel y sigur

You ask we deliver.

Adres: Cayena Mall, Oranjestad, Aruba
Tel: (297) 582-8800



Porfin a yega e dia tan anhela caminda 11 aña pasa un streya a bin mundo pa culmina nos bida y curazon:

Awe 4 di Mei ta cumpli 11 aña e reina di cas:
Dianelly Wernet



Dianelly ta haya felicitacion di su mama: Pierina, su tata: Tony , di su 2 rumanan Yoey y Danitza. Nelly ta haya pabien tambe di su omo, tanta- y welanan, primanan y specialmente di su madrina: Fela y padrino: Jerry. P.S. Corda haci bo best y bira bon mucha.

Zissles
The most luxurious gift on Aruba.

Mothers Day at Zissles!
The most luxurious gift on Aruba.

Including:
The biggest tapas platter
Tickets for the dinnershow D'Licious

100 AWG
Only on **Saturday 5/7** and **Monday 5/9**

Polar, Balashi,
Balashi Chill and House Wine
Only AWG 5!

Info & Bookings: 586-3880 or info@zissles.com
Located in Paseo Herencia Mall, upstairs next to the Cinema

www.zissles.com

The Buccaneer
Happy Mothers Day
Menu

Appetizers:
Shrimp Cocktail
Stuffed Avocado
Mushroom on Deck "Land Ahoy"
Escargots Bourguignon
Seafood Tempura (Marinated)
Fruits of the Seven Seas

Soup Du Jour:
New England Clam Chowder
Beef Soup
Fish Soup
Chicken Soup
Lobster Bisque

Entrees:
Twin Tournedos
Topped with mushrooms & Glase
Land & Sea
Fish, Shrimps, Tenderloin
Fettuccini Seafood
topped with breaded shrimps
Catch of the day (any style)
Garlic, Meuniere or Creole
Fish Topped with seafood
Chicken Breast
Topped with spinach & cheese
Choice of Shrimps
Pernod, Garlic, Madame Jeanete
or suffed

Dinner served with: Black Bean, Rice, Vegetables and Red Skin Potatoes

Mothers Day Dessert
Served with coffee or Tea.
Children Menu available for \$10

Afl. 55
880+ 15% Service Charge

The Buccaneer Restaurant

Open daily from: 5:30 pm till 10 pm
Sunday Mothers day from: 10 am - 10 pm
For reservations please call:
586-6172 or Cell: 593-0027

Na Cumana:

Empleado malamente herida na DIAL to Rent

STA. CRUZ -- Diamars merdia un trahador a bay baha frigidair for di baki di un pickup y pa descuidao e Frigidair a slip y cay riba e trahador y a mand'e vloer. E Frigidair a cay riba su parti intimo y kibra su weso di pia. E trahador tabata sangra basta y cu urgencia a manda ambulance pa Dial Rent. E coleganan a drenta den accion y a duna un man. Nan



a yuda nan colega transporta e trahador mientras ambulance pa hospital pa ricibi cu urgencia a presenta tratamiento medico. y atende e victim. A



KIRUKEDA RESTAURANT

**** CATERING ****

*** CUMPLEAÑOS**

*** BRUID**

*** RICIBIMENTO**

*** ANIVERSARIO**

PA MAS INFORMACION YAMA : 585-7272

KIRUKEDA RESTAURANT

PRIJS ACOMODA TUR CARTERA

Ultimo siman pa haci entrega di bo obra

Hospital ta organisa un competencia di arte

Abo ta cla pa refleha e imagen di enfermeria den un obra di arte?

STA. CRUZ -- Den cuadro di celebracion di dia internacional di Enfermeria Hospital ta organisa un competencia di arte na unda cada obra lo mester refleha e imagen cu enfermeria tin pa bo! E plesanan di arte por varia entre pintura, dibuho y potret te cu estatuanan den brons, piedra y material sintetico. E criterionan di mas importante pa e hurado ta originalidad, uzo di material, presentacion y motivacion. Durante e prome ronde e hurado ta scoge 15 piesa cu lo bay e exposicion final cu lo tuma luga di dialuna 9 di mei te cu diahuebs 12 di mei den e entrada principal di Hospital. Tur hende por participa na e competencia aki cuminsando na trahadonan di HOH, pashentan, scolnan, artistanan y publico en general. E escogencia di material ta totalmente liber y e format y tamaño no por ta mas grandi cu 1m x 1m.

E team di hurado ta consisti di 3 miembro, na unda dos ta artistanan profesional y un ta un coordinador interno cu afinidad pa arte. E team di hurado ta scoge 15 plesanan for di e obranan di arte cu a ser entrega cu ta mas inspirante pa e exposicion y alabes ta scoge e 3 ganadonan. Riba 12 di mei lo anuncia e 3 ganadonan di e competencia. E obranan cu no ser anuncia como ganado lo ser uza den publicacionnan di Hospital of exponi riba luganan strategico den nos hospital cu e nomber di e artista. E obranan mester ser entrega personalmente y durante ora di oficina prome cu 6 di mei na Balie di informacion di Hospital. Pa mas informacion por subi www.arubahospital.com of por tuma contacto cu Departamento di Comunicacion y informacion na 588 4300 ext. 455.

Dr. Horacio E. Oduber Hospital
ta presenta:

**COMPETENCIA DI
ART**

**Abo ta cla pa refleha bo imagen di
enfermeria den forma di un obra di arte?**

Ganadonan lo ser anuncia riba 12 di mei,
Dia Internacional di Enfermeria.

Trahadonan, pashent, mucha y publico en general
por participa!

Pa mas informacion por subi www.arubahospital.com of
yama 588-4300 ext. 455

Presentacion di Miss Teen Folklore na Divi links

STA. CRUZ -- Diasabra anochi a tuma lugar e presentacion di Miss Teen Folklore na Divi Links. Cada candidata a prepara un cuminda crioyo. No. 1 Mishelle Motta a presenta un plato di Cabrito Stoba cu Pan Bati of Funchi . Candidata No. 2 Noelia Khalil no a participa door cu e tabata den exterior cu su school, Candidata No. 3 Marylain Veldman a presenta cu plato di Papaya Stoba, Candidata

No. 4 cu ta Sharkenly Seraus a presenta Keeshi Yena, Candidata No. 5 Ghislaine Mejia a presenta Soppi Pisca , Candidata No. 6 Anaisa Orman a presenta un wea yena cu Jambo y Candidata No. 7 Dayreen Maduro a presenta Soppi di Carni. Tambe tabata tin presentacion di Grupo di baile Youth in Action. Nos kier a felicita FLW Foundation y tur candidata cu a sa di engrandece nos cultura.



DAMA CHAUFFEUR CORIENDO CU VELOCIDAD HALTO TA PERDE CONTROL DEN BOCHT



STA. CRUZ --- halto a perde control na e bocht pabao di Euroceramica y a drenta mondi. Pa increible cu e ta e vehiculo a keda total loss mientras e dama chauffeur a sali illeso. Na prome instante a comprende cu e dama a cana bay pabao y despues el'a regresa. Takelwagen di polis a kita e auto for di riba caminda.

STA. CRUZ --- Dialuna mainta a drenta informe di un accidente riba e caminda di Bubali, mesora a dirigi un patruya na e sitio. Na yegada di e patruya a bin constata cu aki ta trata di un accidente unda e dama chofer di e Chevrolet Equinox color oro A50418 bayendo pariba cu velocidad



Mothers day Extravagansa cu 4Life-R

STA. CRUZ -- Querido miembronan di ProLife-Networkers Aruba y mi querido amigonan y conosirnan. Diasabra awor dia 7 di mei, nos lo ta presente na Santa Theresita Center caminda nos lo display nos productonan di Salud y nos lo ta compartiendo tambe e oportunidad di logra biba un bida Saludabel y di mayor Bienestar.

Esaki en coneccion di un dia dedica na e ser mas stima na mundu, Nos Querida Mama.

Theresita Center ta organisando pues diasabra awor henter dia un "Mothers day Extravagansa".

Probecha di pasa un rato asina y disfruta e.o. di varios atraccionnan, cuminda y informacion.

Di parti di nos di ProLife-Networkers nos lo ta presentando e diferente productonan di Salud di 4Life-Research y nos lo ta dispuesto tambe pa duna splicashon detaja di e fabuloso oportunidad cu 4Life ta ofrece na un y tur pa cuida di nan Salud y di eventualmente disfruta di un entrada extra cu bo lo por genera den bo tempo liber.

Diasabra na Teresita Center:

The Heart of San Nicolas cu gran venta di regalo pa Dia di Mama

STA. CRUZ -- Teresita Center na San Nicolas bou di maneho di The Heart of San Nicolas, kier a comunica na henter pueblo di Aruba, muy en especial e pueblo di San Nicolas, cu diasabra aki 7 di Mei 2011 nan ta organiza un gran venta di regalo pa dia di mama y cuminda crioyo y Caribense. A yama e actividad Mother's day Extravagansa & Creole Food Festival. E gran bazaar aki ta specialmente pa tur hende cu kier compra un regalo bunita pa dia

di mama. For di 9'or di mainta lo por cuminsa compra tur tipo di regalo pa Dia di Mama y hasta haya un bon masashi pa mama pa un prijs regala. Despues 11'or ta cuminsa e festival di cuminda crioyo unda lo tin cuminda crioyo di Aruba, Trinidad, islanan den Caribe, Colombia y tambe Filipinas. E dia ey lo tin e siguiente stands: Bertha's Flower shop, Complete Body Massage, Tina's snacks, AVON products, 4 Life Research, Perfume, Pictures, Inspirational

Cards gifts, Books, Jewelry & accessories, Piñata, Decoracion, mata, program pa baha peso, Cabrito stoba, soppi extravagansa, soppi di pampuna, soppi di oester, soppi di rabo, soppi di carni, Big and Easy BBQ, Sandra's Roti and Johnny Cake, Levy's bread and salad bar, quesillo, tert, Caty's Philipino kitchen, Moaby. Entrada ta gratis, tin bon musica y un bar bon surti. Tur hende ta bonbini pa pasa dia cerca nos na The Heart of San Nicolas.

DILAILAH BEAUTY CLINIC

Ta ofrece diferente paketenan "special pa dia di MAMA"

- Acrylic Full set y free hand massage AWG.75,=
- Back massage , Blow y un delicioso Frappuccino AWG.110,=
- Manicure ,Pedicure y Blow AWG.125,=
- Body scrub , Manicure ,Pedicure y un delicioso Frappuccino AWG.175,=

Nos tin tambe Giftcertificate
Y NOS TIN MUCHO MAS

Yama awe mes na tel: 5867272 of cel: 7303327
Of pasa na Centro Comercial Noord , Noord #82

Lotto pa Deporte	L. Free / Joker	Zodiac 3364 Virgo	Curaçao 7705 3963 8672	Diario 5948 7537 2305
Lotto di Dia 02-29-23-08-22			Super 4 3982	Big 4 2021
Zodiac	Mini Mega 28-23-15-07	Mega Ball 15	Lot / Cat 2967 1214 3121	Sto. Dom.

CLASIFICADO

TA HUUR
Un cas na jaburibari
2 camber 1 baño
sala cushina
Per direct 5934757 / 7413449 / 5930122

TA BENDE
Gordura di calidad
Prijs: Afl. 6,- pa saco.
Riba 20 saco nos ta entrega.

Pa mas info. Yama
731-4555 of 588-2067

TA BENDE
Ta bende: 10 compressor di airco di Yaris 2000 te ku 2005 nan ta nobo nobo awg 699,- (each)
pa mas informacion por yama 586-8180

Les di Idioma
Estableci na 1993
✓ **INGLES**
✓ **HULANDES**
Grupo Awg.250 pa luna
Individual Awg.400
Mainta of anochi
☎ 5825893 Juff. Ras

Computer Courses
Since 1993
Beginners / Advanced
*WORD *EXCEL *E-MAIL
*INTERNET *FACEBOOK
*POWERPOINT*PHOTOSHOP
*QUICKBOOKS BEG y ADV
Tambe: Type les y
Pakket pa 60+ PENSIONADO
Tel.5880950-7438585

TA HUUR
apartamento muebla pa 1 of 2 persona
CUMANA 109-A (banda Codemsa) Awg. 750,00 pa luna (includi gas y cable) exclui awa y coriente un luna di deposito private parkinglot
cel: 7404596 -5831036

TA BUSCA
PA HUUR: Localidad comercial grandura 50m2 situa centro di Aruba, preferible den area di Oranjestad - Santa Cruz.
Pa mas informacion yama **660-5756**

All Pro Pest Control
Tin servicio di spuit tur insecto e.o. fruminga, cacalaca, raton, djaca, carpata etc. etc. Pa evita dengue tambe nos ta haci garden spray.
Yama nos na **5663043 of 5675133**
Of pasa na Shaba den e mall riba e laundry.

"Learn to Drive" beginner brush-up Courses
English Spanish Instructor
Very Reasonable rates
566-1413
patience is our business
For information Call 566-1413

Labco Medical & Home Healthcare Services
Av. Milo Croes 52, Dakota - Aruba
Tel. 582 6651 / Fax 582 6567

BUSCA TUR BO PRODUCTONAN DIABETICO
Manera:
Diabetic Hand, Elbow & Knee Lotion
Diabetic Face Care
Diabetic Nail & Finger Cream
Diabetic Foot Massage Cream
Diabetic Key Chain (Jabero)
Diabetic Bracelet and Necklace (Armband i Cadena)
Special Medical Diabetic Shoes
Gluco Perfect (Machine pa test sucu den sanger.)
Labco Medical lider den productonan Diabetico na Aruba

Advocatenpraktijk mr. Marcolino Croes N.V.
ta anuncia cu despues di un re-organizacion di oficina, nos ta ofrece pueblo tur clase di trabao juridico y te den corte. Cos ta slow, pero na nos oficina bo ta ricibi un trato especial. Nos ta atende bo casonan civil, e.o. divorcio, cobranza, herencia, etc. y casonan penal y pone bao curatela. Nos ta procesa casonan di permiso, prolongacion, rentenier y firma liber, etc. PS Nos tin na venta un airco split unit di 24.000 BTU pa Afl. 1.300,= mescos cu nobo. Yama nos na 588-3208 of 588-2067

COURSES 2011

	Pa Luna	Ta Cuminsa
•Office Assistant	Afl.200	Maart 31
•Supervision Basico	Afl.250	April 28
•Management & Leadership	Afl.250	April 30
•Receptionist/Help desk	Afl.150	April 30
•Sales & Marketing Management	Afl.250 New!	May 6

☎5880950-7438585 developmentaruba@live.com

Cabinet & Construction
Nos ta traha tur tipo di Cabinet cushina, banjo, kamber, office, hotel etc.. tambe nos ta instala Top di Graniet of Marmor y no cumpra cos nan di carton y nos ta hasi tur trabou nan di Construction manera traha of renoba bo Cas
Call: 6606516 / 5612532
We Are Simply the Best
email : richardgerman@hotmail.com

NEW GENERATION
TIN BO SOLUSION!!!
pa chica pos
:5605435
:7477004
servicio pa cas,compania,hotel,ect

FILIAL DI KOOYMAN NA CURA CABAI

TAMBE TA MUDA PA PRIMAVERA

STA. CRUZ -- Kooyman Aruba N.V. a anuncia awe cu tur su dos filialnan, tanto esun na Dakota como esun na Cura Cabai, lo muda pa e sitio nobo di Kooyman na Primavera. Esaki ta encera cu e filial na Cura Cabai lo cera su portanan diasabra 14 di Mei proximo. E filial na Dakota lo muda te ora e Mega Store nobo na Primavera habri su portanan. Esaki ta planea pa tuma lugar den di cuatro kwartaal di 2011. Diabierna merdia Management di Kooyman a informa e empleadonan di Cura Cabai riba e decision aki. Ademas a participa cu tur empleado lo mantene nan trabou cu e beneficinan secundario y derechonan cu nan acumula. Y for di dialuna 16 Mei e empleadonan aki lo wordo encarga of cu trabaonan pa e store nobo of lo bay reforza e team na Dakota. Tambe nan lo pasa door di mesun trainingnan intensivo cu nan coleganan di Dakota den preparacion pa e Mega Store nobo. Pa mayoria di e empleadonan e decision aki no a bini como sorpresa, ya cu den e lunanan cu a pasa a consulta cu nan algun biaha riba e decision pa muda e filial na Cura Cabai si of no. E decision pa integra e dos filialnan den e filial nobo na Primavera a wordo tuma despues di considera tur argumento cuidadosamente y den contacto intensivo cu tur persona concerni. Feura di esaki, e interes di clientenan tambe ta di suma importancia den e

decision aki. Kooyman ta convenci cu nan lo por cumpli cu e necesidad di nan clientenan den vecindario di Cura di Cabai. Nan lo haci esaki door di por ehempel contacto personal mas intensivo di nan account managers y door di hisa e frecuencia di e servicio di transporte. Ademas a considera e interesnan di e empleadonan cuidadosamente.

Den e vision di Kooyman, trahadornan tin principalmente beneficio na garantia di trabao, oportunidad pa carera y desaroyo personal door di training y estudio. Door di e mudanza Kooyman por ofrece mas perspectiva pa e trahadornan. Kooyman ta spera cu banda di e trahadornan di tur dos filial lo mester por lo menos 10 – 15 empleado extra pa duna e nivel di servicio desea den e filial nobo na Primavera. E proceso pa recluta personal nobo ta den full swing. E empleadonan nobo aki tambe lo ricibi training pa duna e cliente na e Mega Store nobo na Primavera e servicio custumbra di Kooyman. Informacion general di Kooyman Aruba NV desde 1965 ta un parti di Kooyman Group, cu ta encarga cu materialnan di construccion, hardware, etc., cu 7 filial reparti riba e diferente islanan, manera Corsou, Aruba, Bonaire y St. Maarten. Kooyman Group tin mas of menos 400 empleado den nan servicio. Kooyman Dakota y Cura Cabai tin 70 empleado den su servicio.

BIN BISHITA E BUNITA EXHIBICION DI OBRA Y ARTE RECICLA 2011

STA. CRUZ -- Diamars 26 di april, AHATA su Comision di Medio Ambiente a habri nan di 10 Competencia di Obra y Arte Recicla na Cas di Cultura pa 4:00 pm. E exposicion lo keda habri tur dia te cu 6 di mei di 2 pm pa 8 pm. Durante e dianan oficial, dia 30 di april, dia 1 y 2 Mei, e exposicion lo ta cera pa publico. Entrada ta completamente gratis. E entregamento di premio lo ta diabierna dia 6 di Mei pa 3:00 pm na Cas di Cultura. Nos lo tin como invitado special, e artista local di "Galeria Etnia Nativa" Mr. Anthony Croes cu tambe lo tin su obranan den exhibicion, pero cu no ta participando den e competencia. E meta di e competencia ta pa conscientiza henter e comunidad pa e cuida di nos medio ambiente door di re-usa, reduci y recicla productonan manera glas, aluminium, papel, carton, foam y plastic y mas. Despues cu e añanan anterior e

competencia di Obra y Arte Recicla tabata tin bon acogida, e aña aki atrobe tur cos ta muestra di bira un exito rotundo. E aña aki nos tin participacion di 11 school, 7 grupo/hotel, 27 individualnan/amateur, 3 individual profesional. Tin 7 categoria manera semper:

- Kleuterschool
- School basico 1-3 klas
- School basico 4-6 klas
- School secundario
- Individual amateur
- Individual profesional
- Grupo/hotels

E creatividad e aña aki atrobe ta uno increibel cu ta varia pa luz di plafond y postbus te na paña, pintura, decoracion, acesorionan pa bisti y hopi mas! Ta bay tin diferente premio atractivo cu nos lo anuncia mas despues y tur participante lo ricibi un certificado. Alavez entre tur bishitante tin un chens pa gana un premio tambe dia 6 di Mei.

Ta bale la pena pa bin waak e competencia aki

hunto cu henter famia. Comunidad di Aruba ta bon bini durante e orario stipula pa bin disfruta di un creatividad unico y bunita!



Falta apenas 3 dia pa e gran concierto "Mama" Recital musical inolvidabel pa tur mama

STA. CRUZ -- Porfin e dia ta cerca. E elenco excelente di cantantenan local ta ansioso pa presenta, y publico ta sperando cu hopi entusiasmo y anticipacion pa e serenata musical. Reaccion den pueblo ta sumamente positivo pa cu e concierto aki. E siman aki ta e siman den cua e demanda pa ticket di entrada lo ta mas grandi cu nunca.

Ki mihor forma pa cuminsa celebra dia di mama desde diabierna awor caba cu nos mamanan den concierto

"Mama" presenta pa Jossy Brokke, Gloria Vega, Edjean Semeleer, Angelo Koolman, Jeanedy Semeleer, Edselyn Figaroa, Jack Tromp, Angela Croes, Kimmy da Silva, Jonathan Croes, Kiziah Trimon, Stephanie Albertus, Lilly Rodgers, Marilyn Croes, Jerrino Ridderstap y Mariachi Lirios del Campo. Tur hunto lo presenta Diabierna awor den Cas di Cultura, y asina rindi homenahe y demostra amor na e ser humano cu mas nos tur ta stima. Un tremendo regalo pa

nos mama, pa asina cuminsa celebra e fin di siman tan special aki. Percura pa bo lugar ta sigura, y asina disfruta di un anochi magico presenta pa nos propio talentonan.



Ainda tin hende ta core cu number blauw

STA. CRUZ -- Nos ta den Aña 2011 unda cu tur cos a cuminsa di nobo. Aruba a conoce numbernan di auto nobo pa aña 2011 for di Januari caba. Sinembargo a haya hopi oportunidad pa bay paga number di auto pa asina

por cumpli cu belasting. Ainda por a tuma nota riba nos careteranan cu tin auto cu ta core cu number blauw ainda. Ya caba nos ta drentando luna di mey unda cu tur number mester ta paga caba.

Opinion Publico

Gobierno!!!! Atencion pa nos grandinan!!!!

Nos grandinan no ta ricibiendo atencion di gobierno, despues cu a priminti asina hopi na nos grandinan. Awor Gobierno kier pone atencion na tur otro asunto, incluyendo tram, viahamento, Linear Park, etc. Pero pa nos grandinan no tin atencion, cu excepcion na momento di campaña cu nos grandinan ta wordo mal usa pa traha riba sentimento di pueblo, pa haya voto.

Ta malusa nos grandinan pa haci propaganda politico, nos por corda riba "Tony". Nos Grandinan ta wordo negligha di parti nos comunidad. Na prome lugar, hopi lugar no ta tene cuenta cu nos grandinan na momento cu nan ta den rolstoel, cu tin lugarnan adecuado. Nos grandinan no ta haya e preferencia cu nan merece pa ser atendi. Manera cu nos grandinan sinti un kebrante di salud, ya dokternan ta pura pa corta pia. Sigur pa esnan cu tin problema di circulacion of ta diabetico, e preferencia ta pa kita nan pia, cual lo haci nan bida mas dificil. E trato aki no ta husto y ta duna miedo na nos grandinan pa bishita un dokter pa mehora su

salud. Tin falta enorme di parti gobierno cu no ta haci ningun esfuerzo y ta pone atencion pa yuda nos grandinan, cu a dedica nan bida pa e comunidad aki. Awor e grandinan aki mester biba di e pensioen solamente, pa cubri tur e gasto cu nan tin pa mantene nan mes den un bida caro asina.

Na momento cu nos grandinan ta na cas, sin cu tin famia of un hende pa yuda cuida, e mester bay riba lista di espera pa por drenta den cas di anciano, cu no tin e facilidad- y fondonan suficiente actualmente pa duna atencion na e grandinan. Ni e grandinan cu tur nan experiencia di bida y trabao, maske den ki bon di salud nan ta, no ta haya e oportunidad pa por traha, si nan ta desea esey. Gobierno, principalmente Mike y Mike ta prefera di duna trabao na stranheronan. Ta acepta Haitianonan te hasta ilegal patraha como 'cheap labor' pa beneficia e comerciantenan, sin ta duna localnan trabao pa yuda nan famianan. Pa Mike Eman e grandinan ta sirbi solamente pa e por pasa braza y baba pa e saca potret pa haci politica barata.

Telefoon pa Hubentud a duna training na bishitantenan di Antigua

STA. CRUZ --- Director di Telefoon pa Hubentud Madeline Ridderstap a informa cu dianan 26, 27 y 28 di April Telefoon pa Hubentud tabata tin un training di peer exchange, conhuntamente cu Child Headline Internacional. Tambe a haya bishita di personanan di Antigua cu tambe ta trahando cu un child headline na Antigua y cu a bin Aruba pa experiencia y haya un training con Telefoon pa hubentud Aruba a lanta.

Tabata tin hopi intercambio di ideanan cu otro y tambe pa sa con ta haya hopi mas voluntario cu kier participa na Telefoon pa Hubentud. Telefoon pa Hubentud Aruba a duna nan hopi tips pa asina nan sa con pa maneha y sa pa haya voluntario y



sponsornan pa Telefoon pa Hubentud na Antigua. Tambe e participantenan a haya informacion di Parlamento Hubenil unda cu nan a duna un presentacion di un analisis cu nan a haci di e parti di educacion. Tambe tabata tin e oportunidad di intercambia ideanan cu e miembronan di parlamento Hubenil unda cu Parlamento Hubenil

tambe a haya idea for di e miembronan di Antigua, unda cu tambe tin un Youth Parliament. Telefoon pa Hubentud ta un patronchi pa e miembronan di Antigua cu nan lo bay elabora riba e informacionnan cu nan a ricibi for di Aruba, pa Antigua su organizacion di Telefoon pa Hubentud tambe por funciona mihor di loke cu e ta actualmente y cosecha exito.

Windows On Aruba ta malcria e empleadonan administrativo di El Gaucho

STA. CRUZ -- E empleadonan cu ta duna sosten na El Gaucho Grill Argentino a wordo malcria durante un lunch na Windows on Aruba, como celebracion di e recien Dia di Profesionalnan Administrativo.

Gerencia a invita e ekipo di e oficina pa un experiencia culinario combina cu Champaña, y nos fotografo a capta e caranan contento di e grupo, reconoci riba nan dia special.

Gerencia di El Gaucho




ta celebra e Dia di Profesionalnan Administrativo tur aña, den gran estilo, reconociendo e trabou di secretarianan, asistente na administrativo, y otro profesionalnan

di e oficina, reconociendo nan pa nan contribucionnan creciente y diverso na e negoshi, den un di Aruba su restaurantnan familiar mas druk y mas popular!

Exitoso fiesta "Dirty Bunnies Spring Break Queens Day Edition" na Nikky Beach

STA. CRUZ -- Diasabra anochi tabata tin un exitoso fiesta "Dirty Bunnies Spring Break Queen's Day Edition" na Nikky Beach. E animacion parti paden di e club tabata bao encargo DJ Dwatje, DJ Kristian D, DJ Dirty Daan, Mixmaster Renzo

den e ritmo di "House". E animacion parti pafor di e club tabata bao encargo DJ Big Rig, DJ Spike, Dj Woods, DJ Ale, DJ Vibes, DJ Negro den e ritmo di Urban. Riba e stage tabata tin presentacion di "Los Transformerz".





RaceJunkies.com
Aruba's #1 Automotive Site

Home

Forum

Blogs

Gallery



Resultado Di Drag Curaçao

STA. CRUZ -- Drag tabata e atraccion principal na Curaçao e siman cu a pasa. Un grupo grandi di coreador- y fanaticonan a sali rumbo pa Curaçao pa asina presencia e evento di drag mas grandi di Curaçao. Un multitud grandi a sa di bin presencia e caredanan. Esnan cu no por a bay por a waak e live via nos site unda cu un cantidad grandi di fanaticonan di drag a keda masha contento. Por bisa cu rond di mundo a nos a registra

sintonia. Tur esaki ta danki nan curaçoadrag.com y curaçao.com. Esaki ta e resultadonan di e International Drag Fest Curaçao. Diasabra nos lo tin mas informacion y mas foto di loqual a tuma lugar. Pabien na tur nos coreadornan cu a sa di defende e pida baranca aki cu ta yama Aruba. Y ta muestra cu nos como Arubiano sa di yuda otro te final. Pa mas potret y informacion bishita e website: www.racejunkies.com.

Categoria		Number Auto	Number Driver	D/I	ET	MPH	Pais
Top GUN	1st	King Kong 4	Pat Musi		6.564	202.06	CUR
Day 4	2nd	Whathehell	Jeffrey Dobbins		6.565	187.65	CUR
Super Modified Stock A	1st	Mr Holley 4	Johannes De Boer		7.809	178.67	CUR
Day 4	2nd	Mr Johns	Emanuel "Broer" Blomondt		8.068	173.87	CUR
Extreme Imports	1st	Hailey	Frans Ponson		7.247	185.79	USA
Day 4	2nd	Lucimar	Raul Reyes		7.507	171.82	USA
Pro Comp 7.90	1st	Unbelievable	Shannon Rosalina	7.90	7.933	161.84	CUR
Day 1	2nd	S&K Racing	Carlos Schoot	7.90	8.017	160.74	CUR
Super Comp 8.90	1st	Unbelievable	Shannon Rosalina	8.90	8.952	159.40	CUR
Day 3	2nd	Hot Roller 2	Alexander Croes	8.90	9.024	147.20	AUA
Super Gas 9.90	1st	Frankestein	Franky Sierralta	9.90	9.927	127.58	VEN
Day 2	2nd	Twister	Raul Lopez	9.90	9.869	141.93	AUA
Super Street 10.90	1st	Bright Bakery	Rodney Bareno	10.90	11.025	117.98	AUA
Day 1	2nd	Roush	Agustin Rodrigues	10.90	11.176	101.82	VEN
Krioyo Bracket	1st	Hot Roller 2	Alexander Croes	9.02	9.038	146.34	AUA
Day 4	2nd	Unbelievable	Shannon Rosalina	7.95	7.967	167.50	CUR
ET Bracket	1st	Black Shadow	Michael Creeze	11.70	12.814	76.03	AUA
Day 2	2nd	Tuff Tuff	Clifton Nicolina	11.70	13.653	102.64	CUR
Import Class	1st	JR Madness	Jean-Carlo Ras	10.93	10.995	110.30	AUA
Day 3	2nd	RysoTech	Ryan Simoons	9.16	9.159	146.72	CUR
Super Street Bike 9.30	1st	Quart Mile Racing	Patrick Isenia	9.30	12.713	79.34	CUR
Day 3	2nd	Still Balling	Roberto Dortalina	9.30	R/L		CUR
Super Comp Bike 8.90	1st	Most Wanted	Burnard Schmidt	8.90	8.957	149.30	CUR
Day 2	2nd	Suzuki Hayabusa	Gary Lejuez	8.90	8.780	151.41	AUA
Quick 32 Bike	1st	Merite Racing	Alden Merite	8.01	8.052	173.54	CUR
Day 1	2nd	Suki Racing	Steven Soeterboek	8.75	8.715	143.42	CUR
Krioyo Outlaw Bike	1st	Merite Racing	Alden Merite	7.919	172.57	CUR	
Day 4	2nd	Easy Racing	Urvin Maduro	7.705	162.30	AUA	
Pro Bike	1st	Merite Racing	Ramphis Magdalena	7.304	174.58	CUR	
Day 4	2nd	Anthony Racing	Anthony Flanegin	7.525	174.65	AUA	





RaceJunkies.com
Aruba's #1 Automotive Site

Home

Forum

Blogs

Gallery



International Drag Fast Curaçao



Dama a desvia pa cacho, slip riba caminda muha y bay accidenta riba un mata na Rooi Afo



STA. CRUZ --- Diadomingo mainta a drenta informe di un accidente banda di e dam di Rooi Afo mesora a dirigi un patruya na e sitio. Na yegada di e patruya a bin compronde for di e dama chofer cu ela bay desvia pa

un cacho y debi cu e caminda ta muha e auto a sigui slip bay dal riba un mata di kwihi. E impacto tabata fuerte y e dama chofer a keda cu un susto y tabata hopi nervioso pero e mes a keda di bay hospital pa un check-up.



Kiebro na Mirpas

STA. CRUZ -- Dialuna den oranan di mainta ladronnan morto di hamber a bula cura patras di Mirpas y a horta den e frigidair bay cu tur e cumindanan. Polis tambe a presenta na e sitio pa tuma datos di e robo aki, segun nos por a comprende for di e propietaria a conta cu diadomingo a keda hende te cu dialuna mainta cual e kiebro aki mester a pasa despues di 7'or di mainta te cu merdia cu nan a presenta bek na e negoshi. E ta un negoshi cual nan ta



bay habri nobo awor den caya y a alga varios carne y mas cuminda den e frigidere pero nan a laga un carne so y bay

cu tur, y ta di lamenta cu e luga no tabata tin camera pa asina waaken ta e malhechornan cu a bula e cura.

Varios persona intoxica cu cuminda

STA. CRUZ -- Varios persona a bira malo diasabra anochi y nan mester a bay busca asistencia medico. Tabata un total di 16 persona cu a busca yudanza na Eerste Hulp y Centro Medico. Segun e hendenan tabata yega a bin saca afor cu ta victimanan di cuminda cu no tabata bon. Tur a compra cuminda mesun caminda na Zee Rovers. Mesora a activa e team di Salubridad Publico. Nan a bay coy prueba

di cuminda tambe pa manda laboratorium. Den entrevista cu Sharline Koolman hefe na DBZ el a splica kico tabata e prome informacionnan cu a drenta. Sharline Koolman a splica cu te na e momentonan aki tur caso tin di haber cu cuminda di lama. Ta buscando mas informacion pa mira si ta un solo tipo di cuminda of mas tipo di cuminda tabata malo. Te awor aki ta muestra cu e Kerrie Kerrie ta esun cu a causa

problema. Finalmente Maribelle Tromp a splica cu ora algo asina pasa cu un hende e ta hopi serio. Den corto tempo bop or deshidrata y muri e hasta si no atende cune mesora. Tin hende cu por a bay cas, pero toch ocho mester a keda interna. Salubridad Publico ta interesa pa haya otro hendenan cu a haya problema mas leve. Mas informacion mihor pa e departamento segun Maribelle Tromp.

Homber a corta dede cu grinder

STA. CRUZ -- Diabierna den oranan di mainta cu urgencia ambulance a presenta na un cas den Emmastraat caminda un homber trahando como contratista a corta su dede malamente.

Na yegada di e personal di ambulance homber di 27 aña trahando den cura na un cas den renobacion, pa un descuido a corta su dede malamente cu un grinder for di su duim bin ariba. Cu urgencia a presenta na Eerste Hulp pa wordo atendi di biaha.



Homber sin rijbewijs ta trece trafico na peliger

STA. CRUZ --- Diasabra den oranan di merdia agentenan polis atento a tuma nota di un movcion straño di un coroola tras di un otro auto caminda e chauffeur di e auto dilanti a baha for di auto bay reclame. Ora polis a baha bay tira un bista kico ta e problema a comprende for di e chauffeur di e otro auto cual a bandona e sitio caba na nos yegada a conta cu na varios ocasiona e auto A-11292 maneha pa e homber cu riba dje no tin rijbewijs tabata

pega pega tras di su auto cual si e señora kier primi un brake pa para e Corolla por dal su tras. Ora e señora a tuma nota cu e homber a baha caminda e señora a core baha bay reclame pa e mira su manera di core riba caminda. Polis a kita e yabi di e chauffeur te ora cu e bin cu un persona cu si tin rijbewijs. Bon trabao na e agentenan atento aki, caminda na Aruba por tuma nota tin hala di chauffer ta core tras di stuur sin rijbewijs.

Polis cu varios control

STA. CRUZ --- Diasabra na cualkier ocasion polisnan patruyando haciendo varios control, parando auto pa controla si e autonan tin nan papel na ordo y si tin nan 2 kwartalnan paga. Den varios control polisnan mester a parti boet na hendenan cu no tin nan number di 2011 ainda paga of cu e plachi number ta poni riba un otro auto of seguro a caduca.



Habitantenan di Tangerinestraat a scucha tiro



STA. CRUZ -- Diadomingo den oranan di atardi habitantendn di Tangerinestraat den Dakota a scucha un tiro den e vecindario despues di un problema cu ta di bay anda den un reglamento di cuenta. Un rato prome cu e habitantenan a

scucha e tiro a tende un bululu cu lo tin un problema andando caminda un otro grupo mester a horta algo na e persona cu lo mester a los tiro, pero ora polis a yega no a encontra cu nada, mientras e habitantenan a duna di conoce cu un tiro a wordo scucha.

Polis a logra para un scooter cu a huy



STA. CRUZ -- Diabierna den oranan di mainta un polis motoriza altura di Airport a tuma nota di un scooter den mal condicion y riba dje number falso a waak polis y logra huy y riba dje a dal riba auto, coriendo pa polis. Aki polis a sigui su tras

cu sirena pa pare, pero no kier a para. Den esaki e chauffeur di e scooter a logra huy pa polis drenta Jukuri, pero aki algun patruya di Santa Cruz cu tabata den Jukuri a logra pare y al fin e chauffer di e scooter lo a fada y a para pa

polisnan. Den esaki a controla e nr cual ta MFA0 124 un number falso traha riba dje y e scooter mes tabata bon kibra. Polisnan a logra deten'e e chauffeur hib'e warda mientras e scooter a keda tuma den beslag.

NOTICIA INTERNACIONAL

Jiuhomber di Muammar Gaddafi a ser dera na Libia



Tripoli=E funeral di e jiu mas hoben di e lider Libio Muammar Gaddafi, a tuma lugar den e capital di Tripoli.

Libia a bisa cu Saif al-Arab di 29 aña y tres nieto di Gaddafi a muri Diasabra, ora cu Nato a bombardea e residente di e lider Libio.

Su funeral a ser atende door di diferente miles di hende, na momento cu avionnan di Nato tabata circulando riba Tripoli.

E hendenan tabata pidiendo pa revancha, na momento cu e caha, lora den e bandera berde di Libia tabata

ser baha den su graf.

Coronel Gaddafi no a atende na e entierro di Saif al-Arab, pero su dos otro jiuhan, Saif al-Islam y Mohammed a paga nan ultimo tributo bisti den e toga tradicional di Libia.


Honduras a cancela tur acusacionnan contra Manuel Zelaya

Tegucigalpa = Un corte di apelacion na Honduras a cancela tur acusacionnan di corrupcion contra ex presidente Manuel Zelaya, kende a ser deroca y expulsa den exilio na Juni di 2009.

E decision di corte ta habri caminda pa su posible retorno y lo por mira Honduras ser re-admiti den e Organizacion di Estadonan Americano (OAS).

Honduras a ser expulsa for di OAS y hopi pais a kibra relacionnan, despues cu Zelaya a ser kita for di poder.

Fiscalnan a bisa cu nan tabata considerando un apelacion contra e decision di corte.




E corte di apelacion a kita e acusacionnan contra Zelaya, di fraude y falsificacion di documentonan, cu ta acusacionnan cu e la describi com politicamente motiva.

Secretario General di OAS, Jose Miguel Insulza a bisa cu e decision di corte

a pone un fin na e incertidumbre rindi e situacion legal di e ex presidente.

Zelaya cu actualmente ta biba na Republica Dominicana a bisa cu e lo no bolbe su pais te ora cu e haña garantia di inmunidad legal.



Mementomori Funeral Home

" Señor ta mi wardador, mi n' tin falta di nada; Den cunucu di yerba berde, E ta ponemi sosega. E ta hibami na awa tranquil, pa mi bolbe haña forsa. "

Ps. 23:1,2,3

Cu honda pena pero conforme cu boluntad di Dios, nos ta anuncia fayecimento cristian di:

Sra.Vda. Josefa Roos-Diaz Granados Medina

mihor conoci como: "Chepa "
*11 Januari 1924 - † 2 Mei 2011

Na number di su:

yiunan: Sigfried y Carmen Roos-Pietersz y famia Cynthia Roos y Alfonso Bislick y famia Denny y Sandra Roos-Avalo y famia Yvonne y Hubert Silva-Roos y famia

nuero: Roy Maduro y famia

mescos cu yiu: Gina Lopez-Gnecco y famia Clifford Gnecco y famia

sobrina: Desiree Correa y famia

nietu y nietonan, bisanieto y bisanietanan, sobrino y sobrinanan, primo y primanan, comer y compernan, ihanan,

su bon amistad: mama Chinees, demas amistadnan

demas famia ta invita tur amigo, bisña y conoci pa asisti na e acto di entierro cual ta tuma lugar diabierna 6 di Mei 2011 pa 4'or di atardi saliendo for di misa San Francisco pa santana catolico den Caya Ernesto Petronia. E resto mortal lo ta reposa for di 2'or di atardi den misa San Francisco na Playa.

Na lugar di flor of krans un donacion pa " Koningin Wilhelmina Fonds " lo ta altamente aprecia. Lo tin un box disponibel den Misa pa e bunita gesto aki.

Adres pa condolencia:

Totolicastraat 1 (Simeon Antonio) di 7'or pa 9'or di anochi

Nos ta lamenta cu despues di entierro nos no por ricibi bishita di condolencia na cas. Nos kier a pidi nos disculpa si nos por a lubida un of otro famia den nos tristeza.

boletín **eXtra**.com
noticia directo

TIP LINE : 5610062
email: news@boletinextra.com



Gradicimento/Invitacion

Pa medio di esaki nos ta gradici tur esnan cu a
compaña nos na momento di enfermedad,
fayecimento y entierro di nos difunto stima::



Sra. Veronica Tromp-Croes

Mihor conoci como "Jonca"

Gradicimento ta bay na tur esnan cu a
manda flor, krans, telegram, mensahe, yamada di
telefono y anuncio den corant . Tambe na tur
famia, amistadnan, bisañanan y conocirnan

cu a duna nos nan sosten na oranan dificil.
Un danki na dokternan Anthony y Dennert,

Na personal di Dr. Horacio Oduber Hospital,
na personal di Ambulans, na pastooran,
na Zulaika Geerman pa su bunita canticanan.

Danki na "Aurora Funeral Home"pa e
excelente servicio, un danki special na ayudantenan

di cas Orlanny Kelly, Roosje Paesch y Maria
Dirks, na esnan cu a duna un donacion pa

"Fundacion ban uni man pa cria nos
muchanan".

Alavez nos ta invita tur famia, amistadnan y
conocirnan pa 3 Santo Sacrificio di misa na


Misa Imaculada Concepcion na Santa Cruz,
esta

Diarazon 4 di Mei 2011 pa 7:00 anochi

Diabierna 6 di Mei 2011 pa 7:00 anochi

Despues di misa lo tin un Rosario na cas
Catashi 6.

Na nomber di su yiunan y demas famia.



Mementomori Funeral Home

Papa Dios nos ta gradici Bo pa por tabata
bendiciona di por a goza hopi aña di nos Welita
stima cu a yuda guia nos ariba bon caminda. Awor
e ta sosega na tur paz y tranquilidad den Reino
Celestial.

Cu inmenso tristeza na nos curazon, nos ta anuncia
e fayecimento di nos mama, abuela, bisabuela y
tanta stima:

Sra.Vda. Justa Tomasa Sierra Ramirez de Pimienta

Mihor conoci como: "Doña Justa," "Mama Justa " of
" Welita "

Colombia, 28 Mei 1906 - Aruba, 29 April 2011

Na nomber di su:

yiunan:Simon, Milagros Pimienta y famia
Antonia Ras-Pimienta y famia.

nietonan:Roland " Charly "Ras y famia
Lourdes Pimienta y famia na Merca
Maria Helena Pimienta y yiunan na Merca
Nerio" Bob" , Valerie Ras y famia
Carlito, Lindell Martinus y famia
Carla Martinus, Reynaldo " Chino " Franken
y Famia
Eddie " Wakata " Ras y famia
Karina, Elson Barry-Martinus y famia
Nyrod Ras y famia
Jane, Julio Tromp-Martinus y famia
y demas nietonan na Colombia, Venezuela y
Hulanda,

como nieta:Farida Tjon Ajong , rumannan y nan
famia

bisanieta y bisanietonan, comer y compernan,
ihanan, sobrino y sobrinanan,

Famia: Sierra, Pimienta, Ramirez, Ras, Martinus,
Franken, Barry, Tromp, Werleman, Specht.De
Castro, Kalvino, Todd-Dandare, Illes, v/d Biezen,
Vasquez, Roys, Zambrano, Rivadeneira , Kock,
Mansur, van Lis, Donata, Flanegin, Krozendijk,
Panneflek, Yarzagaray, Camara, Romero, Cunha,
Frigerio y demas famia, su bon bisañanan di
Companashi y demas famia na Aruba, Colombia,
Venezuela, Curaçao, U.S.A, Hulanda. ta invita
bo(so) pa asisti na e acto di entie ro cual lo tuma
lugar diahuebs 5 di Mei 2011 pa 4'or di atardi
saliendo for di Misa San Fransisco pa santanta
Caya Ernesto Petronia. Nos mama y wela stima lo
ta reposa for di 11'or di mainta na Nobelstraat 7 y for
di 2'or di atardi lo ta na Misa San Fransisco.

Adres pa condolencia: Mementomori Funeral
Home, Diarazon 4 di Mei 2011 di 7'or pa 9'or di
anochi

Nos ta lamenta cu después di entierro nos no por
ricibi bishita di condolencia na cas. Nos ta pidi nos
disculpa si nos por a lubida un of otro famia den nos
tristeza.

El mensaje de la Divina Misericordia



En esencia, el
mensaje de la Divina
Misericordia no es
nuevo, es en realidad
un recordatorio de
lo que la Iglesia
siempre ha enseñado:
que Dios es
misericordioso y que
nos ama a todos sin
importar la magnitud
de nuestros pecados;
pero en este mensaje
se llama a una
comprensión más
profunda de que el
amor de Dios no tiene
límites, y que está
disponible a todos,
especialmente al
pecador más grande:
" (...) y cuanto más
grande es el pecador,
tanto más grande es
el derecho que tiene
a Mi misericordia"
(Diario, 723).





SETAR ta participa fayecimento di:

Miguel Arcangel Everon

Tata di nos colega

Freddy Everon

Trahando den departamento di Cellsites

Gerencia, Staf y Personal di SETAR N.V. ta extende palabranan di condolencia na Freddy, su señora Jasmin y demas famia.



Mementomori Funeral Home

Gradicimento

Pa medio di esaki nos ta gradici tur esnan cu di algun of otro manera a muestra nan atencion durante fayecimento y entierro di:



Sr. John Benjamin Maduro

'Bo partida ta laga un tristeza y un bashi inmenso. E consuelo ta e bunita recuerdo nan y e cariño ricibi di tur esnan cu a stima bo, aprecia abo y 'bo famia'

Gradicimento ta bay na tur esnan cu manda flor, krans, kaarchi, mensahe, yamadanan telefonico y anuncio di corant. Tambe na tur famia, amistad, bisiaña y coleganan pa nan sosten na oranan dificil y na tur cu a tene oracion. Un danki ta bay na dokter Fingal, dokter Mungra, Botica Santa Cruz, AZV y Air Ambulance.

Tambe danki na tur esnan cu a yuda na cas y durante entierro, specialmente: Danny Maduro, Jolanda de Freitas, Lilian y Angelo Wever, Magna de Freitas, Sharon de Freitas, Micheal Giel, Nelson de Cuba, Melba de Freitas, Melbert de Freitas, Susy y Wilhelmina Winklaar, Beo Maduro, David Maduro, Clarinda Koolman, Oslin Kock y Augustin Ras. Danki na Papiamento Restaurant pa nan bunita speech. Danki na sr. Edgard Kelkboom di Academia Musical Harpa y Cuarta, sr. Edwin Kock y sr. Querino Ras pa e bunita musica.

Cu Dios bendiciona boso tur pa boso bondad.

Na number di Famia Maduro

Gradicimento/ Invitacion

Den number di famia Franken-Webb nos kier a gradici tur esnan cu a acompaña nos na momento di fayecimento di nos estimada esposa, mama, ruman, tanta y wela:



Marianita C. Franken- Webb

“Corin” of “Du”

Kizas bo a compaña nos na ora di enfermedad, kizas bo tabata t'ey na momento di fayecimento, kizas bo a yama nos na telefon of bo a manda nos un telegram, kizas bo a manda nos flor of krans, kizas bo tabata t'ey cu nos presente na tur momento, kizas bo no tabata t'ey cu nos pero den bo oracion y pensamiento si bo tabata cu nos, nos ta gradici bo inmensamente. Alavez nos kier a invita bo pa compaña nos na e tres Santo Sacrificio di misa cual ta tuma lugar dianan: dialuna 2 di Mei pa 5:30 p.m., diarazon 4 di Mei pa 7:00 p.m. y diabierna 6 di Mei pa 7:00 p.m. na misa Inmaculada Concepcion Santa Cruz, despues di e ultimo aki lo tin un Santo Rosario na cas, Macuarima 174. Bo presencia ta altamente aprecia, Na number di famia.

Scol di Evangelizacion “Mgr. A. van de Veen Zeppenfeldt Aruba” ta haci invitacion pa siguiente Curso: “ABBA TATA”

Scol di Evangelizacion ta un school catolico cu a wordo fundá pa Pastoor Emiliano Tardif, en feliz memoria, cu ta conta cu mas di 2000 school rond di mundo den mas di 60 pais, incluyendo Aruba. Scol di Evangelizacion “Mgr. A.v.d. Veen Zeppenfeldt Aruba” kier anuncia curso “ABBA, TATA” cu lo tuma lugar den e week-end di 6-7-8 di Mei venidero, na Centro Pastoral na Santa Cruz. Curso “ABBA, TATA” ta pa tur esnan cu a termina curso Felipe y Isaias y tin como obhetivo yuda nos experiencia un encuentro personal cu DIOS TATA, caminda nos por haya sanacion di tur e imagennan incorrecto cu nos tin di nos Dios Tata amoroso.

“Y esaki ta e prueba cu boso ta yiu: Dios a manda Spirito di su Yiu den nos curazon y e Spirito aki ta sclama: “ABBA, Tatal” Kier meen anto cu bo no ta catibo mas, pero yiu di Dios y ta Dios su voluntad pa, como yiu, bo ta heredero tambe!” Gal. 4, 6-7. Nos ta pidi pa bin cu un Bijbel, material di skirbi y un curazon habri pa por ricibi hopi sanacion y gracia di nos “ABBA TATA”. Pa mas informacion yama na Centro Pastoral (Sta. Cruz) 585-5985 of Famia Werleman na 563-6838 / 592-2357/ 585-2357.

boletín
eXtra.com
noticia directo

TIP LINE : 5610062
email: news@boletinextra.com

GRADICIMIENTO/ INVITACION:

Pa medio di esaki nos ta gradici tur esnan cu a acompaña nos na momento di enfermedad, fayecimento y entierro di nos defunto stima:

SRA. ANGELICA GEERMAN

MIHOR CONOCI COMO "SHONCA"

Gradicimento ta bay na tur esnan cu a manda flor, krans, telegram, mensahe, yamadanan telefonico y anuncio den corantnan. Ta gradici tambe tur famia, amistad, bisña y conocirnan cu a duna nos nan sosten na oranan dificil. Tambe na tur cu a tene oracion. Un danki na Dokternan Mungra y Dennert, na personal di Horacio Oduber Hospital, na personal di San Pedro de Verona, Paviljoen y Stichting SABA. Un danki na pastoornan pa e bunita respons, Randall Croes pa su bunita canticanan y na Aurora Funeral Home pa nan excelente servicio. "Un danki special na Berta, kende a cose e mortaha". Un danki na DOW pa nan cooperacion, na Directie Financien, Angelique y Roberto pa nan bunita poesia. Tambe na Flavia y Carmen pa nan yudanza. Un danki di curazon y cu Dios bendiciona boso ricamente. Alavez nos ta invita tur famia, amigo(a) y conocirnan pa nan compana nos na Santo Sacrificio di Misa cual ta tuma lugar awe diarazon 4 di Mei 2011 na Misa Inmaculada Concepcion na Sta. Cruz pa 7:00 pm. Despues di misa lo tin un rosario na cas Sabana Grandi 26.

Boso presencia lo ta altamente aprecia. Na nomber di su yiunan y demas famia.



Mementomori Funeral Home

*"Señor ta mi wardador, mi n'tin falta di nada;
Den cunucu di yerba berde, E ta pone mi sosega.
E ta hiba mi na awa tranquil, pa mi bolbe haya
forza".
Ps. 23:1,2,3*

Cu honda pena, pero conforme cu voluntad di Dios, nos ta anuncia fayecimento cristian di:



Sra. Vda. Josefa Roos-Diaz

**mihor conoci como:
"NICKNAME"**

*11 Januari 1924 - † 2 Mei 2011

Dia y ora di entierro lo wordo anuncia despues.

INVITACION PA E FIESTA DI "SANTA CRUZ" AWE 3 di Mei



Pastoor di Parokia Inmaculada Concepcion Santa Cruz, ta invita un y tur, specialmente parokianonan pa bin celebra hunto e fiesta cu ta hiba nomber di e distrito Fiesta di Santa Cruz, awe 3 di Mei

Dorna bo crucifijo cu flor di cas y trece

Misa y pastoor lo bendiciona tur crucifijo durante santo sacrificio di
7:00 pm

Di 12'or merdia te cu 1'or lo tin un santo rosario den misa reza pa sra.
Sofia Croes,

na honor di Inmaculada Concepcion y e Santa Cruz.

E Cruz di Hesus ta nos Gloria.

Den Cristo nos Señor nos ta haya salvacion, bida y resurreccion.

E ta nos Salvador y nos Libertador Gal. 6:14

Diadomingo 8 di Mei 2011

6:00 pm salida di Kapel Santa Famia na Pos Chiquito cu e imahen di
La Virgen di Fatima pa

Misa Inmaculada Concepcion na Santa Cruz,

6:30 pm un santo sacrificio di misa na honor di La Virgen di Fatima en
conexion cu su fiesta dia 13 di Mei

Esnan presente por reza e santo rosario promer cu yegada na misa na
Santa Cruz.

Dialuna 9 di Mei 2011

Imagen di La Virgen di Fatima lo ta di bishita henter dia den misa
na Santa Cruz.

11:30 am-12.30 merdia, tin oracion, santo rosario etc.

Na honor di La Virgen di Fatima, nos Reina y Mama celestial den Misa Inmaculada Concepcion, na Santa Cruz. Schoolnan den vecindario ta keda invita pa bin haci oracion y reza, na honor di Mama Maria. Esnan cu ta desea di haci oracion cu nan enfermonan ta keda invita y tur otro nan. No perde e oportunidad aki di bin duna nos Mama Celestial y Hesus den Santisimo Sacramento un bishita y reza santo Rosario.

6:00 pm lo hiba imahen di La Virgen pa Misa Santa Filomena na
Paradera.

7:00pm Santo Sacrificio di misa na Paradera .

Pa mas informacion tocante e novena di La Virgen di Fatima en conexion cu su fiesta dia 13 di Mei, por yama apostolado mundial di Fatima na Aruba na tel: 584-5139. E novena ta cu cada dia e imagen di La Virgen lo wordo hiba pa bishita misanan na Aruba cuminzando awe 4 di Mei 2011.

Candela na Bushiri



STA. CRUZ -- Dialuna den oranan di atardi un persona cu a pasa den vecindario di Bushiri, pabao di Centro di Bario Playa Pabao unda e mondi ta, a tuma nota di un candela grandi cual tabata rondona di un cas den construccion. Aki

tanto brandweer y polis a keda despacha pa e sitio y presenca e candela. Di biaha a cuminsa cu trabao na paga e candela, cu a rondona e cas den construccion completamente y sigui avanza bay mas den e mondi.



Awe ta recorda tur esnan cu a fayece den segunda guerra mundial

STA. CRUZ -- Tur aña dia 4 di Mei Reinado Hulandes ta recorda tur civil, militar, nabegante y otronan cu a fayece durante segunda guerra mundial, conflicto belico y misionnan di paz den servicio di Reino Hulandes. Durante di e ceremonia protocolar aki, autoridad, familiar, dignatario, militar y hobennan ta pone krans of flor na e monumento. E aña aki 66 hoben lo pone, cada un, un flor na e monumento, cual ta representa 66 aña cu Reinado Hulandes ta conmemora e fayecidonan di segunda guerra mundial. E aña aki invitacion special ta bay na schoolnan di distrito di Santa

Cruz, pa participa na e ceremonia di dia 4 di Mei "Dodenderdenking", cu lo tuma lugar na "Monument der Gevallen" situa na Adriaan Lacle Boulevard. CAMARADA - ARUBA ta invita comunidad en general, adulto y hobennan y esnan cu a sirbi durante segunda guerra mundial y tur otro veteranonan, pa ta presente riba diarazon 4 di Mei ta 5:15 di atardi na e "Monument der Gevallen" situa na Adriaan Lacle Boulevard. **Trahe ta:** Preto cu blanco y dashi scur (preto/blauw). Laga nos duna honor na esnan cu honor merece! Danki di antemano, den number di Camarada Aruba.

Vocero di Polis, sr. John Larmonie: TIRAMENTO NA SAN NICOLAS SOLUCIONA

Victima ta na hospital y sospechoso a keda gara

STA. CRUZ -- Un caso serio a keda registra diadomingo merdia caminda un hoben Jamaiquino di 24 aña a los tiro riba su victima y herid'e den bariga. E victima tin 19 aña di edad. E malhechor di inicialnan J. tabata tin problema cu su victima y e problema aki a termina den tiramento. For di momento cu e tiramento a tuma lugar, e victima a bisa ta kende a tir'e. Mientras cu personal di ambulance a yega pa cuminsa yuda e

victima, polis tambe a cuminsa busca e auto di e sospechoso cu a tira. A topa cune riba caminda y a para e auto. E sospechoso a baha for di e auto mesora. Polis a deten'e y hib'e warda. Aki el'a pidi pa un abogado. E victima mientrastanto a wordo hiba mesora pa Dr. Horacio Oduber Hospital unda dokternan a cuminsa traha cune pa por scapa su bida. Parce cu e tiro a drenta su curpa, pero e bala no a sali. E victima tabata na tino y a yega hospital

wowo habri. Polis a confirma cu a haya e arma di candela usá den e caso aki. A bay cu e sospechoso pa muestra unda el'a benta e arma. Probablemente esaki a ser tira den lama. Na lama na cabez di Aruba su version a cambia. El'a bisa recherche cu el'a sconde e arma bao di un mata di druif. Polis a bay y en berdad a topa cu e arma cerca di ex-hospital di Lago, bao mata di druif. E caso a keda soluciona.

DOS ATRACO ARMA

STA. CRUZ -- Na San Nicolastabatin un atraco arma riba Lago Height Food Center y tambe un atraco riba Texaco Wayaca. Na Lago Height Food Center e atracador a drenta cu machete den man y menaza e Chines. E tabata tin cara tapa. Despues el'a baha na awa direccion De Vuyst cu e caha di placa bao braza. Un buskeda di polis no a

duna resultado. Un rato despues mesun diasabra anochi dos atracador cu arma di candela a drenta na Texaco Wayaca y comete atraco. A bay cu e benta di e atardi cu tabata algo mas cu 3000 florin. Nan a huy riba scooter of brommer bandona e lugar. No a haya nan ainda. Den mesun area algun dia pasa na Primavera Supermarket a atraca

e lugar den un forma similar. Na Arubus tambe un marduga a atraca security y un trahador. A laga e trahador cu hopi golpi atras. Camaranan den negoshi ta yuda hopi den casonan asina. John Larmonie a splica cu a parti di prevencion ta hopi necesario. E informacion di e comunidad tambe ta hopi importante..

Minister Visser presente na training di futbol cu entrenador di exterior

STA. CRUZ -- E tecniconan cu a bin duna un training na hobennan local riba veld di La Fama tabay bek hopi satisfecho.

Diadomingo tabata e final di e evaluacion. Minister Richard Visser tabata presente. Den entrevista cu e mandatario di salud

el'a splica cu gobierno tambe ta topa cu tipo di tecniconan asina.

Sr. Pieter Gallas a evalua hungadornan local

STA. CRUZ -- Pieter Gallas tin su compania di tecnicanan deportivo. Durante su estadia hunto

cu otronan precedente di Hulanda el'a evalua diferente hungador local. Den entrevista a puntre na

final kiko el a experiencia di nos talentonan local den futbol.